

清齋堂集



10104

清愛堂集卷十八

仁和魏成憲寶臣

粵游草下

九日葉雲谷招集倚山樓分韻

鄭仙巖畔路合沓衆山秋負土花紅淚

地爲雲谷兩舍

樓雲鳥白

頭孟嘉曾落帽王粲乍登樓滿酌茱萸酒鄉心藥玉舟

白雲寺

白雲何處寺人上白雲山海色浮雲外山門盡日間不逢

樵叟引下見鳥飛還便欲臨風舉蓬萊近可攀

鶴舒臺

持穗五羊去橫江孤鶴來神仙一揮手今古獨登臺皓羽

清愛堂集卷十八

一

染成髮幽經相自胎南飛鐵笛奏清響過雲回

碧虛觀

步虛聲縹緲吹下碧霄中隱矣書言道泠然行御風雲袞

解塵黻月鏡麗珠宮記啖如瓜棗吾憐李少翁

九龍泉

一網破天慳爲霖徧百蠻呼之瑤草種探得月珠還茶乳

清泠後松鱗香漢間江南泉第二難忘九龍山

菖蒲澗

我從東海至不見安期生九節菖蒲綠惟聞澗水聲雲封

禽跡少露浥藥苗清據石聽琴筑寥寥太古情

摩星嶺

舉手扶雲漢涼風颯曙袍遠航如散蟻細路少升猿清切
炳象緯蒼茫驚海濤平臨小五嶺自覺此身高

雲泉山館贈主人黃香石張南山

林蘿最深處宜著此閒身謝傳登山屐陶公漉酒巾白雲
得二妙明月成三人彷彿輞川谷畫中荷葉皺

雲谷招集友石齋餐菊分韻

餞秋約近局林亭無俗條重陽恰載展美膳占今朝籬落
有佳色抱香寒蝶飄采之一簪掇莖以五味調玉糝比柔
滑冰厨罷肝膾錦繡腸更滌藜莧腹本枵飢驅走嶺表三
徑應寂寥况聞湖鄉早已槁七月苗江東米價貴草糗貧
無聊安得餐英法把酒讀離騷仙乎延齡術耕者甘澤謠

清愛堂集卷十八

二

梅花行細嚼相與遊西樵

劉樸石編修 彬華 招集越華講院

吟壇角立張吾軍風雅南園又屬君人比羊求來二仲地
偏水竹占三分食單夙遣門生議花品新徵野老聞爲愛
小春天氣好前榮送暖况初醺

連日出遊訪菊示諸朋好

萍梗生涯嗟嶺表菊花天氣愛秋陰前村流水蘆藏寺昨
夜微霜葉墜林晚節最宜堅傲骨薄寒無那起鄉心柴桑
不爲飢驅去欲訪成連海上琴

題香光居士溪閣秋晴小幃

江南黃葉村雲間畫禪室滿眼無聲詩青山澹斜日

同南山過墨池荷香館

詩人住深巷步屨愛經過杞菊齋厨少茨菇野岸多雲山
供點染風月幾搜羅繁會羊城裏衙門嘯也歌

樂事勝邱爲猶舍大母節孝廉船不上書畫舫頻移塔影
當樓直潮聲到枕遲新篇多誦得驥子好男兒

至後一日梅花下對月有懷都門故人

至日忽已過去年無此寒檐梅香雪裏海月暮雲端失鹿
蕉猶覆無魚缺未彈開爐方九九良會憶長安

朔風

朔風海上來落葉聲如雨獨坐一燈寒鄉心渺南浦

傷張茂才應鼎下世

清愛堂集卷十八

三

妙士生非偶奇童譽早馳工文偏毘瓌執別太漣湏萬卷
讀全破重闡哀可知殘編煩小宋收拾落花詩

同樸石墨池雲谷南山上白雲山自雲泉山館步入

濂泉寺探梅

逼冬山骨清山泉語幽碎時聞木犀香微徑轉巖背倚巖
敞禪關湛綠一池滙水邊小籬落矮梅多野態橫斜寫風
影翠羽翻對對枕榔歲月深橘柚丹黃繪白雲如可呼古
春此中在遲客夕陽下花光淡烟靄

礪堂制府以高雷道中二詩見寄次韻奉簡

左執鞭還右屬韃炎風會共度思田夏秋之交于阮孚近

蠟登山屐昨登白雲楊僕誰橫下瀨船瘠土占豐三脯上

勞臣行部一陽前眼看卒歲無衣者好勸沙壩種木棉

獵獵風竿雪色鉞元戎小隊鼓填然霆威已震無雷國兵
氣全銷際海天見說蹴蔬儲侍儉幾聞畱犢長官賢六花
難得霏原隰韶連諸州至前得雪爲報荝檐稼穡先

謝董觀橋中丞教增以羔裘見贈

海雨脩脩暮景迺同袍戀戀慰羈愁不衣自煖猶爲客將
隱焉文盍一求簞笥幾家勞饋歲羔羊三復願分猷牧芻
多少蒼生望蓋裏還須萬里裘

歲暮連雨甚寒得詩四首

海雲漠漠雨絲絲正是寒銷九九時兩樹紅梅不禁凍暗
香邀勒濕胭脂

清愛堂集卷十八

四

南雪由來到地難今年韶石玉龍蟠重簾好護梅花雀生
怕顛風作意寒

一聲一滴翠芭蕉歲暮鄉心不自聊近海人家有寒色聞
鷗立處暗生潮

忽憶南榮好負暄那聞屐響客窺園熏爐試熱沉香火又
聽千家爆竹喧

雲谷索題王元章墨梅

今年南雪竟到地萬樹梅花冷更繁忽見山農一株雪暗
香分得羅浮村

山農作畫同作書花瓣圈來鐵線如眞箇匆匆不暇草墨

痕濃淡點椒餘

小除日登粵秀山和壁間賓谷方伯韻

莽蒼上聲身安適登臨眼乍開一年行送臘萬里際無雷
海水知寒氣巖阿有異才京華南斗望乘躋想燕臺

除夜用坡公歲晚三詩韻

饋歲

炎海客經年幕府笑參佐平生嚴一介君子豈可貨循俗
務施報撫時驚老大劔羞朱門彈轍憶蒼生臥罷牽束脩
羊虛擁臯比座窮途爭鶩食陳迹踏驢磨故人多厚祿剝
啄門罕過淡交心如水曲高自寡和

別歲

投林鳥飛倦出岫雲息遲去日已足惜來者猶可追辭家

清愛堂集卷十八

五

遠行邁山巔復水涯浪迹成散木不達辜

昌時鞭之將視後相者空舉肥所期世康樂還我佛慈悲
屠蘇飲輒醉到酒杯莫辭未覺壯心減祇是顛毛衰

守歲

細縵過野馬恟恍疑杯蛇堂堂歲月去空歌蘇幕遮盈虛
消息理學易師田何卽此分陰惜一任羣飲譁田燭徹宵
照樓鼓嚴更搥爆竹響轟烈檐梅影橫斜春風知漏洩昨
非悔蹉跎遊山躋絕頂腰脚逢人誇

礪堂制府元日上粵秀山見和小除日登山之作疊

韻酬之

以下旃蒙
大淵獻

絕頂盤雲上初韶麗景開三年敷愷澤萬戶動春雷車笠

尋蠻徼江山閱霸才日邊來歲首回望此朝臺

次日過長壽菴再疊前韻

丈室春浮樹方塘半畝開觀魚似濠濮入社有宗雷種竹
資吟料無言解辨才山桃紅萼早瓶中桃花正開花雨散香臺

重遊海幢寺三疊前韻

會遊憶人日

去年人日與趙孝廉同遊

渡口半帆開林籟送清梵海潮

聞疾雷拈花參妙諦選佛少凡才爲近楊孚宅頻登般若

臺

人日遣興示諸同好

連晨未有不陰時難得融風上番吹訶樹天涯虞苑客梅
花人日杜陵詩會聞陸賈千金橐可惜馮唐兩鬢絲春滿

清愛堂集卷十八

六

皇州鶯又囀巢痕重認

上林枝

坡山五仙觀

穀莖何年畱傳自飛仙挾石先初平羊衣比羅浮蝶報祈
大有秋官府長生笈昔聞刻玉歲河有五老涉越漢長安
門道北五人接況此祝融都眞靈踵相躡浮邱安期生蓬
萊風引楫楚庭實初祖持穗分狎獵福我以三登祀之逮
千葉燎薰羅賈胡傳芭走蠻妾試叩鐘噲咤復循磴岌業
坡山良其趾武敏更歷劫中涵泉涓涓薦菊清可挹照影
見鬢絲焉得紅映頰神仙重年少列坐參調燮但覓卻老

方相與修慧業

自長壽菴分折枝桃花歸插膽瓶中春寒旬日鮮好
如初賞之以詩

日南恒煥陽無功浮花浪蕊開匆匆獻歲拈花佛一笑軍
持已見山桃紅折枝分自衆香國雨聲壓檐寒側側幽人
十日不出門相對春風好顏色春風醞釀春光遲世間冷
暖無人知消受清寒在炎海試燈天氣豔陽時

上元日登越王臺四疊前韻

花柳春光早山川畫境開蜃全消漲海蟄已起初雷先一日聞

雷地有凌雲氣人傳使粵才今宵明月滿燈火下樓臺

瓶中桃花復得長句

多謝花枝伴白頭朝朝聽雨下簾鉤清寒自爾畱春住輕

清愛堂集卷十八

七

薄何曾逐水流餞歲杯前初絳點落燈風裏尚紅稠亦知
海上仙壺近散綺餘霞健筆收

賓谷方伯招集賞雨茅屋卽用前韻

詩態如雲在嶺頭昨以續刊新集見投飲惟文字罷藏鉤當空月正

初圓夜入座人皆第一流賞雨恰逢添漲滿咬春偏愛飣
盤稠羊城眼見豐年樂火樹星橋爛不收

得陳笠帆中丞預書卻寄

文鱗六六度三年報道浮湘又入燕書寄於癸酉冬時由楚南方伯擢少司寇

棠拜西泠春有脚萍飄南海雪盈顛魯齊重莅新開府何
李分曹舊列仙雲起太山泥尚憶江湖遠夢待朝天

礪堂制府招同劉樸石太史聶心如儀曹張南山孝

廉春潭茂才小集繩柸齋再疊瓶中桃花韻

連陰幾見月當頭花濕紅跼草屈鈎送喜春來多好雨縱
談日下數名流俗移買犢萑苻淨仙列騎羊穀穗稠長作
嶺南人亦樂綬豐實効看全收

早春次雲谷韻

東風釀冷雨畱甘獨客慵於三幼蠶鷗鳥忘機翔海上杏
花淺笑夢江南屐聲門巷燈初落香影簾櫳酒半酣爲愛
白雲山色好枕榔銘記我行庵

積雨

入春寒料峭海氣晝陰陰檐溜瀉懸谿雲封隔林香微
徐撥火絃潤罷張琴試聽鶯聲澀衝泥柳巷深

清愛堂集卷十八

八

劉樸石山長招集講舍三疊前韻

未掣長鯨碧海頭簷何亦下釣鰲鉤尚餘壯志澄千頃要
使詞源滙衆流身處江湖看日近手栽花藥及春稠問奇
共酌門生酒徑尺珊瑚鐵網收

葉雲谷農部招集風滿樓四疊前韻

紅棉花外小樓頭恰恰風簾自上鉤江上有山皆畫境尊
前無客不詞流一帆沙市潮初落萬井炊烟晚更稠況是
嫩晴天氣好遠春如夢望中收

礪堂制府以余將入都彭春農學使亦有瓊海之役
集繩柸齋餞別五疊前韻

詞臣銜

命來螭頭飄飄文采珊瑚鉤用少陵句意尚書爲惜江海別賤

子舊附參苓流出彭文勤公門下良會有緣雲易散春陰無際雨

偏稠尊前小別忽萬里報我日下明珠收讀百韻

謁南海神廟二十韻

神次祝融貴歲陽淵獻逢中春專煦嫗百谷滙朝宗粵介
扶胥口唐尊廣利封只今祠更煥視昔禮滋恭藻井紅葩
倒蒲筵翠傘供冕旒蠅蠖肅劒履蠻輪從陰火陽冰景珠
庭日角容搏桑騰燄燄禕鞬配雝雝復帳熏香象前榮耀
燭龍石帆遙影渡銅鼓大聲春於廓推瀛海其巖媿岱峯
離方宜澤潤坎德亦靈鍾珊瑚樹千絲網銀濤萬頃鎔况經
寒雨久乍掃積霾濃東陸蓬蓬遠南溟汨汨衝鶯花繁二

清愛堂集卷十八

九

月嶰稻阜三農雪浪臨無極星洋望且重蜃樓噓幻市蜃
戶集蠻寶鼻屬猶畱謁萑苻早絕蹤長吟坡老句開拓盪
雲胸

浴日亭晚眺

海雲望不極暮色遠蒼然礪石翔陽地虹消雨霽天直疑
通析木幾見變柔田便擬長風駕乘槎到日邊

南海神廟銅鼓歌

靈龜憤吼清聽瑩殿東西頭雄雌應波羅江上祠海神赤
堇千年博攷證飛鳶跼跼五溪渡伐鼓淵淵百戰勝采比
首山寶鼎出納諸都老金釵贈折戟沉沙烽火銷積環成
琚土花凝韞人幸畱舊制作冰夷或司新號令雷轟萬里

浪拍天鼓聲未死一帆正當時惹苳明珠疑此日鷓鴣純
綠映木棉花開十丈紅金蝦蟆去鑿鑿定摩挲殘缺歷兵
燹放眼青天臨海鏡宵警援枹候已罷春耕鑄器農方慶
謹以立動將帥臣介然有常君子行用漢志山前大鼓
春寒積雨賓谷方伯禱於南海神廟連日快晴民有
喜色詩以美之

衡雲潛禱應粵海積陰消快展時晴帖歡逾甘澤謠先憂
棠茂舍送暖麥舒苗省識神人喜升薌徹絳霄

二月十五夜步月上拱北樓

直上高樓月正圓萬家燈火樹無烟上清不老人持穗終
古常新漏轉蓮樓中有元延祐五年刻漏拱北星回春一半徙南風擊

清愛堂集卷十八

十

水三千蟾光此夕十分滿身在雲霄斗柄邊

溫篔坡少司馬汝适乞養歸里礪堂尚書招集繩樞

齋語舊倒用瓶中桃花韻

春潮消長片帆收不改鄉音笑語稠出處分歧萍乍合參
商重話歲如流羨君歸錦常馨膳媿我臨淵但直鉤鈴閣
一尊爲輓脚花田十日且遨頭

題張南山松石把卷圖次翁覃溪學士韻

飄然鸞鶴姿心與白雲期相賞有真意出山何太遲松聲
寒翠裏石氣冷青時滿眼都詩境惟應靜者知

好月明相照高霞舉自軒此間得佳趣欲辨已忘言野外

宜春服田家老瓦盆從君讀不輟添我坐雲根

祝礪堂制府五十初度四首

海內于今數大賢，威風清望鞏南天。

恩酬湛露三霄渥，心朗虛堂一鏡懸。
繡壤連豐沾蜚雨，珠洋無警靖狼烟。
黑頭事業蒼生賴，杏苑看花最少年。

玉尺三山小試官

年二十三
典試閩中

重經絳帳舊驂鸞，星軺萬里

半天下冰署一條雙筆端

由詞垣
權臺諫

經世文章皆篤實，書生

風味尚清寒，卽今行部纔單舸，賓從青燈脫粟餐。

積善人家孝友于

先世有蔣
善人之稱

先公遺愛在，句吳齊眉對案

無魚腴接膝，傳經有鳳雛，一疏薦賢培杞梓，百蠻肆武掃
萑苻，立綱祛弊談何易，虛納蕘言仰治模。

車笠重逢嶺表時，齊年媿我甲辰雌，八千歲紀官長服，九

清愛堂集卷十八

十一

十春光日正遲，調鼎會開迂叟圃，侑觴聊進達夫詩。

綸申使相朝

天近宣賜宮壺拜福基

題葉文園比部耕霞溪館圖

祠堂好築薦溪毛，霞外亭亭永慕勞，舊德先疇餘善氣，耕
田識字況仙曹，娛人暑港醅紅藕，款我春風醉碧桃，如此
林廬容易別青山，回望白雲高。

畱別粵東諸生四首

教學務相長，出處難自料，歸林八年久，帶經侶漁樵，精舍
北山麓，都講成秀翹，東海望南海，六千里而遙，節度遠見
憶馬幣，書屢招，謂礪堂
尚書，俶裝歲在酉，冬江寒蕭蕭，迎人好

巖壑奇絕連英韶羊城地繁會建牙半舊寮事賢友其仁
詞壇振風騷況忝臯比長何以舉蘭苕

蘭苕集翡翠一樹百獲人根茂實斯遂行篤言乃醇南園

響誰嗣白沙澤未涸四十四萬言溫故而知新餘波亦綺

麗大雅資扶輪豈惟絃誦樂要使風俗淳蠻鄉習禮讓野

處皆秀民通經致實用行充觀國賓水南少司馬乞養閒

居身

謂溫質
坡同年

相與更請業庶幾德有鄰

德有鄰之堂卜築傳坡公公方五十九適粵衰恩恩覽揆

等丙子吾鄉董浦翁詩編嶺南集論年與公同賤子媿瓠

落磨蝎爲身宮馬齒數茲歲番山亦飄蓬父執梓桑敬

謂董

浦先
生

尚友笠屐風鵝潭閱今古鴻泥任西東插檐見箕斗

清愛堂集卷十八

七

掣鯨珠海中遠師韓吏部萬里懷孤忠

昌黎亦磨
蝎爲身宮

孤忠景曩哲積愮縈

主恩奪情卻置吏感極湔涕痕祥琴彈旣作奏名青瑣門

舍香入蘭署復玷垂

綸言曹司主畫諾宦海從瀾翻保此衰朽質煦以陽春暄

幸今瘳夙疾況又榮鈍根善飯矯健步熟路駕短轅猿鶴

莫相笑花柳應更繁天閭誅蕩開喜近扶桑暎

張墨池南山兩孝廉邀同謝澧浦庶常劉樸石編脩

葉文園比部雲谷農部餞余於荷香館

一徑深深共踏莎羊城難得此行窩通潮支港魚苗簇夾

岸疎籬柳線搓日下可能良會再嶺南況是故人多尚餘

醉墨淋漓在春浦離情畫綠波

澧浦卽席作餞別圖

諸生觴餞麋至追送於花田佛山者又數十人口占

志別

六千里外六旬翁猶道重來亦夢中別酒淋漓都化淚暮潮如雪海天風

雨中遊峽山寺

峽口滂濕雲船頭灑凍雨雨中好登陟雲外忘客主何年寺飛來此山證初祖芒鞋青竹杖生寒漬煙縷步步踏層碧遺構蕭梁古幾折入翠微巖霏滴如乳林深猿鳥閒厓絕藤蘿補江光淨於畫憑闌清景聚試尋阮俞逕那更戀簪組亂泉起奔霆屣僧動法鼓喧寂境殊致陰晴時暗數

清愛堂集卷十八

七

夕陽一半開春江艤柔艫

淙碧軒觀瀑布

百谷雨氣集峽山高峻嶒不顧石苔滑笠屐勇登飛泉淙淙下清響巖壑失勢落千丈玉龍猶矯騰破雲山露骨漱石水有稜衆籟雜琴筑寒威欺雪冰一束一噴灑莫辨最上層林梢多碎滴萬綠交鬢髻我昔陟廬阜觀瀑奇每矜蕩蕩白銀闕水簾挂秋澄茲游得競爽合繪惜未能賴有濟勝具更縛雙行騰尚友玉局翁導我麗眉僧下界足膏醴霄關從此升

三萬祠

方雷彤魚甥偕隱到南服未抱鼎湖弓但采嶮谷竹山川

太古氣文字五千牘繞屋碧琅玕清風搖肅肅

欲尋歸猿洞因雨不果

孫郎疑狙公袁姬非越女玉環夙世因石洞寒雲所三聲
淚沾裳清晝啼如許此心定已久寺有定心泉莫問歸猿語

清音樓坐雨

御風何冷然得雨氣新爽翠屏宜靜對清磬已梵放百泉
樹杪聲能令衆山響湛湛凝碧灣吾其理歸榜

曉發滇陽峽

潮回不到猶雪浪滇水西來峽山抗懸厓偈束瀾更翻激
壑槎牙險難狀篙師凌晨猛於進與水石角灘倒漾飽張
帆葉力尚微森列劍鉞懍相向陵巒嶄鑿波滄泮入畫清

清愛堂集卷十八

古

江帶碧嶂風泉傳響翠篁下巖猿流聲白雲上始知礪道
餘清寒誰說蠻鄉但炎瘴妙從習坎得佳趣扣舷一和小

海唱

重上觀音巖題壁

峭壁倚千尺清風畱半帆本來無實相微妙得空嵌田燭
輝當晝巖中幽暗晝亦燃火天花落滿巖仙人雲篆側亦擬姓名劄

韶石

帝子南巡日薰風太古弦九招空想像積石此山川一自
翠華舉幾聞丹鳳翩蒼梧渺雲際昨夢又經年

舟次曲江題家書後

果

每日扁舟望翠微鷓鴣相喚燕交飛春從薄暖輕寒過人

自三楓五渡歸西笑底須愁索米南禪會此話傳衣預思
櫻笋登厨候到及林園綠正肥

雨中度大庾嶺

壁立梅關鑿空開陽坡三月綠秧栽爲緣石戶需膏澤帶
得羅浮風雨來

雲封寺

巉巖秦餘嶺牢落梁代寺云自龍眠來三昧小游戲孤雲

天一角

一名桂角寺

遠分峽山翠

人從雨外來那顧展齒折行行到橫浦遠與粵山別野確
轟若雷蠟花照如雪

清愛堂集卷十八

十五

獨遊百花洲

我行自嶺海山水娛瞻聽羣峯少蘊藉激湍無洄澌豈不
窮壯觀或未愜勝情扁舟下章貢帆指洪都城花洲吾舊
識水送山如迎烟光柳影際紅橋通翠屏戲苗乳鴨泛垂
竿吟鬢清人移南浦棹地擅東湖名猶畱一畦菜灌叟蘇
雲卿高隱足千古臨流思濯纓妙畫入平遠勞者倦眼醒
風景江南似子美滄浪亭

彭蠡湖舟次寄方茶山太守

體

共飲吳山正風雪

庚午春君過枕寓吳山雪中酌飲

遙看廬阜但雲霞一

官久繫心如水萬里新歸鬢已華暮景飛騰瞻日下美人

咫尺隔天涯卅年前是潯陽客生怕青衫聽琵琶

舟中望廬山

烟水遠春外一湖純浸山屏風疊雲錦空翠有無間杉雨
瀑交灑松門僧獨還招呼舊明月五老亦蒼顏

歸舟雜興

乍別蠻鄉亦黯然身行萬里換三年不如歸去歸難穩愁
聽深林叫杜鵑

曾聞一鼓一村樓
胠篋探丸慮早周
那得彈琴清遠皎漁
人宵肅不驚鷗

風正蒲帆上峽船
連州江口嫩晴天
雲陰解駁曦光漏兩
岸青山百道泉

倦聽鉤輻格磔聲
野花豔豔不知名
他鄉春色渾無賴只
清愛堂集卷十八

有青山管送迎

瑋瑁潮邊帆落處
鷓鴣聲裏雨來初
舟師語客岸泊酒津
吏笑人船載書

韶石橫江三峽流
英州北上又雄州
青山處處開生面一
任白雲閒去留

猶記冬江十八灘
篙師邪許上流難
而今風順波恬日柔
榜輕搖下萬安

懷玉山前濕翠生
烟蓑雨笠鳥催耕
犁纜翻處鳥犍滑秧
未分時碧毯平

九姓漁娃菱白船
軟風使到雙溪邊
新翻暮雨蕭蕭曲酒

綠鐙紅記不全

水到巖灘清若空
畫眉相喚翠微中
先生可是憐忠信
借與開帆美滿風

清愛堂集卷十八

清愛堂集卷十八

七

清愛堂集卷十九

仁和 魏成憲 寶臣

騰笑小草

晨登慈雲嶺循八卦田步入天龍寺

貪涼愛山行殘月鳥飛曙江光湖影間峯頂雲絮絮磴道
轉青峭莓滑時窘步取徑方罨田郊壇天水故人語隔烟
問芒屨濕草露禪扉綠陰下清磬一聲度寂寂青豆房妙
香澹無慮安得天龍部慰農施甘澍

曉行裏湖作

洗眼雲水寬一湖新磨鏡葑田埽萬丈涼波綠逾淨云者
兩黃鵠陂復名愛敬時澹湖甫竟如展軟琉璃魚鳥共飛泳露

清愛堂集卷十九

一

氣荷送香烟容山對靚待澤隴畝需會小旱將放湖水溉田效深仁

智性

雨後靈隱道中

過家如客真匆匆陰晴無定黃梅風我愛西山間何澗踏
破蒼翠泉聲中山泉轟於鷺鷥舞涼氣生秋當夏五一路
穿雲九里松斜陽在水千峯雨

張烈婦詩

婦賴氏福建寧化人年十八嫁同里張朝鐸鐸病
婦以其命付日者推之曰必死推已命日必二夫
婦憤然曰是誠在我鐸果死婦自經以殉事詳縣

志節烈傳

天若有情天易老，拔心不死卷施草。藁砧瀕危旦夕間，靈氛占之得凶兆。從來烈女不二夫，妄謂三科命實造。是誠在我非在天，琢珞子言何足道。青春畢以朱絲繩，六載迦陵共命鳥。無兒俎豆亦馨香，天上張星白於曉。夫名朝鐸，婦氏賴一碧長汀萬古繞。

伏日朱春泉司馬

鉅

招同戚鶴泉明府

學標

許修門

農部

學歐

金珊圃水部

種

小集秋筍館

勝侶招近局，新歸行遠遊。清風來似友，老屋小於舟。竹篠飲宜暑，蒲葵涼先秋。無心雲出岫，息壤已盟鷗。

六月十一日同人吳山道院雅集

吳山晴俯萬家烟，迨暑相於樂靜便。境入清涼忘九夏，別來容易度三年。賞心松石都塵外，畱客茶瓜況酒邊。絕頂虛明擡眼處，風帆沙鳥淨江天。

清愛堂集卷十九

二

里中諸老復集珊圃齋中作餞奉酬二首

驪駒一曲勸離觴，水到還鄉又去鄉。泉石膏肓吾豈敢，江湖憂樂夢難忘。青雲冉冉思前度，白髮蕭蕭媿望郎。來往風流輸二老，爭教人憶舊甘棠。

時馮堂小霞兩方伯皆在里門

碧筩銷暑飲無何，水榭風亭緩緩歌。待聽鈞天張廣樂，漫催驟雨打新荷。童心惜別歡猶昨，老態當筵喜未多。寄語重城遲上鑰，飛來好月愛婆娑。

陳扶雅

善

芝膝

桐生

許五年

乃穀

朱萼亭

光憲

金倬

人文炳

餞余於靈隱書藏奎賦誌別

好山如好友臨別意彌眷況茲遠客歸故山殊戀戀分攜
二三子例合一尊餞贈策山靈前衆可吾亦善驚峯暑退
早松篁碧峭蒨梵唄穿巖扉秋氣落僧院書煩靈威守讀
媿謨觴徧飽眼悉薤披鎮心豈瓜戰示我貝葉經貝葉經四十四
番宋咸平中物歎客伊蒲饌談諧相間作了無異同見飛
今藏借秋閣來雨四垂坐看雲萬變洞深林猿歎泉冷石燕濺熱惱藉
以蠲清寒不可嚙後約期誅茆前題欲焚硯選佛脩幾生
爲霖謝羣彥辭友竟出山稻畦綠成片

曉過烏戍不及訪陸杉石太守寄之以詩

溪柵不上鎖零星漁火明人家竹扉掩曉岸布帆輕笑我
老猶客思君空復情燕山好秋色訪菊及霜晴

清愛堂集卷十九

三

眞州

回風瓜步帆鄰舫眞州佑一笛起江樓疎燈辨漁浦

白沙翠竹村路殘月曉風墓田琴韻泠泠花底機聲軋軋

燈前屠琴鳴明府教民
蠶積著有成效

憶得雨絲風片裏桃花春水接天紅眞州臨水種桃
花時紅十數里而今

揚子橋頭客誰識蒼顏舊醉翁

留別吳穀人祭酒二首

天涯草草又勞人執手交繙副墨新各以新
刻相示眞箇恒飢才

未減筆花如燒共千春

媿無遺愛此揚州不向朱扉一刺投白髮重逢知有幾爲

君今日小停舟

舟渡召伯湖

荷花遠折記歐公笑我今虛飲碧筒多謝淮南閒草木湖邊借與半帆風

仲家淺

一瓣香升仲子祠猶傳毅魄結纓時而今負米無親舍淺絕空庭放夕葵

任城夜雨感賦

扶護登艫又十秋孤兒重到雪盈頭思親淚共他鄉雨併入西風汶泗流

南池二首

森木蒼涼剩古烟草堂人去近千年戲苗花鴨俱蓮鷺畫

清愛堂集卷十九

四

出蒲荒八月天

排日花間共拍浮十年前事儘風流孫郎星已老黃郎易死懶上任城舊酒樓

滋陽

扶犁人識使君顏我亦田間十載還難得隨車新雨好青
青早見汶陽山

寧陽道中

積潦時橫水一支夕陽影淡裊鞭絲村村蕎麥花如雪正
是梨甜棗熟時

長城舖小憩

塋碣車聲十里岡稍蘇病骨午風涼山前山後離離石絕

似初平叱起羊

鵲華橋秋望

城頭華注一峯青葦路條條帶遠汀曾向鷗波圖裏見

有鵲華秋色圖湖光秋色柳邊亭

喜晤王懷祖觀察

念孫

同領河隄使君今築養堂天教畱著述儒有近文章絳帳庭闈戀青衿弟子行傳來齊魯彥爰歷與凡將

禹城曉發

背指齊州九點烟衝流牽馬渡無船涼風一夜秋如許露氣滿襟月在天

曉過景州

清愛堂集卷十九

五

風鐸郎當聽得清從瞻馬首指神京半規涼月一枝塔四
十里程天未明

趙北口

虹橋映帶翠洄瀠出網肥魚喚賣聲眺盡落霞秋水外九
十聲九淀迥涵清

晚香亭訪菊

步屨不知遠林亭得靜便西風向搖落秋氣入澄鮮花影
隔離瘦夕陽當樹穿幽尋有真趣鳥語若爲傳

九日許青士溟生昆仲招游陶然亭登高未成詩也

錢古楮比部首唱四律並屬吳若水參軍繪圖見示

漫題以應卽補紀遊

國初諸老登臨地文酒風流又一時況是今年霜信晚重陽不道訪秋遲

一別江亭又十年重來身似燕翩翩那堪皺面觀河日簾卷西山剩古烟

汝南好事攜蠻榼遊客相逢少故人獨立西風莽空濶羞簪烏帽菊花新

紅樹蒼葭遠更平日華雙闕帶層城錢郎詩句吳郎畫寫得秋光分外清

題湯雨生騎尉

貽汾

秋江罷釣圖

秋江到底清釣罷了無事難得此身閑詩情兼畫意

坡老意釣忘魚方平得亦不賣塵外別有烟波胸中曾不

清愛堂集卷十九

六

蒂芥

館伴新乘萬里風樽桑看浴日輪紅時伴送暹羅使臣入覲幾曾放下絲綸手曾掣鯨魚碧海中

同滇生重過晚香亭看菊

木脫霜氣清秋老三徑裏牽率無事朋訪菊行迤邐林亭經過熟應門童亦喜東籬冷淒颯南榮煦移晷參差羅益益高下雙窻几脚葉護泥丸眼花炫霞綺鏤錯猶未能爛漫無與比或孤芳整齊或交枝旖旎或偏其反而或間以

靜只

用景差句

或瓔珞垂垂或琤璫縈縈或疑蠟鳳采或肖雪

獅弭或馬纓比紅或魚袋映紫或粉如抽篁或碧如浮蜩

或藕絲縈烟或秧針刺水或同麗人行愛丹唇皓齒或作

道人裝配黃冠草履離離分向背
菑菑絕塵滓馥馥引蘭蕙
紛紛笑桃李譜已陋石湖種更繁
栗里奇芬侔天葩入坐卽佳士
倉曹職數米窺園亦偶耳
主人趙象菴以監倉旬日未歸
何須問主人日涉吾與爾
省識灌溉勞妙悟閒適理一肩賣花
叟落英香滿市

送曹十松貳尹壽南歸集社

送子清秋暮何人高義同
客愁連蟋蟀時放倚梧桐誰是
青雲器如今白髮翁
周防期稍稍告別莫匆匆

題張雲齋孟淦秋雪菴坐月圖

曾吟秋雪釣船蒙秋雪菴爲丁元公題額跋云取秋雪蒙釣船句意 況露清光烟

水中人與鷗心都入定
蘆花絮絮月濛濛

清愛堂集卷十九

七

韓桂舫大司寇招同吳菘圃大司馬職茹古香總憲

菘溫慎餘制府承惠葉雲素農部繼雯劉堅雅廉訪

大懿吳鑿菴少宰烜彭脩田少司寇希濂小集皆丁

酉同年也卽席有作

故人重見各霜髭細數苔岑卅載期
衣狗浮雲成昨夢尊鱸秋水寄相思
翩翩舊燕巢還認爛爛冬花酒不辭
雅集圖中無此樂論交須耐歲寒時

晚過崇效寺

意行不知遠入寺路三义冬暖天
釀雪歲寒僧護花隔籬迎吠犬
倚樹數歸鴉人海最堪隱老夫心出家

張雲齋以凍豆腐見貽走筆謝之

連晨朔風號行厨霜氣肅但索長安米未飽太倉粟食單
配寒菹法乳在啜菽比潔逾截肪經凍起皺穀稜稜抱清
冰沖沖削片玉品合腐儒餐時方堅澤腹頃筐感心朋轅
釜營口福多君小宰羊益我御冬蓄

過夾花室

小寒天入衆香國梅菊齊開暖氣浮愛日烘窗雪色紙花
爲四壁屋如舟

歲暮書懷寄海內三數知己

十丈軟紅尺素書歲關心事長安居倦遊間關萬里外足
用文史三冬餘落落相士空冀野茫茫觀海經扶胥許身
稷契杜陵老忍凍放歌霜壓廬

清愛堂集卷十九

八

六街饋歲應冬肥剝啄無人靜掩扉良友頻煩分祿米開
身自合典朝衣花因近暖香徐吐鳥爲衝寒倦更飛檐外
古藤倚天矯濃春計日錦成圍

連日啜凍豆腐風味佳絕次雲齋韻三首

盈箱素質任風饗充入冰厨亦足豪新壓黎祁堅比玉絕
勝翠網出銀刀

寒廬未解鏤冰工買向筠籃試短僮不肯摸稜畱腐骨生
涯茅店曉霜中

如湯沃雪乍頃筐水乳交融味最長清白自來能耐冷淡
成人合與分嘗

次韻答雲齋

人海藏一身閉關厭微逐室餘布被囊飯只淪脫粟有官
未朝參無事到心曲底須酒排悶但以書遮日時過然後
學學乃知不足經經而緯史前賢渺芳躅冥觀洞古今若
數計龜卜宵肄徹寒漏朝吟待初旭戀此炳燭光著就餘
冬錄記事偶照珠他山可攻玉所以漆園吏曾云學爲福
長安朝市客造請頗僕僕窮交多減刺名流務推轂從來
說士甘要必嗜古酷張生後來秀的是雲中鵠交在紀羣
間山邱感華屋葛帔故人子策名起巖麓投我五字詩希
聲寶自蓄識塗老馬智慎旃謝浮縲

清愛堂集卷十九

九

清愛堂集卷二十

仁和 魏成憲 寶臣

寄園吟藁上

正月十八日微雪 以下柔兆困敦

門巷收燈後東風雪意含灑空春尚淺及澤臘餘甘節未
交燕九寒猶偪葛三梅花吹片片消息憶江南

題桂舫尚書聽雨第三圖

君家二難我畏友令弟三君後來秀卅載鴿原哀樂多畫
中聽雨分今舊杏花天氣小樓高茶熟香溫記曩宵剪燭
窻深春寂寂對牀人去夢迢迢無端翼折桓山鳥苦調翻
吟樂餘老 封公號樂餘東老 過眼雲烟展卷看江南萋碧池塘草

清愛堂集卷二十

一

我昔同懷亦五人棠花雙菱雨成塵第三圖子題難好顧
影春明白髮新

二月十二日同張夢草廉使 暉吉 過崇效寺查梅舫

廷尉 淳 不期而值遂共飯於安樂窩劇談抵暮乃還

老伴相於趣駕便東湖遙指柳村烟地鄰蔬圃農情好春
到花朝物態妍安樂新窩隨杖屨清涼舊夢話雲泉 縱談

雲海瀑 何妨乞飯從香積紅杏青松有畫禪 布之勝

送蔡穀山鴻臚 之定 歸里卽次畱別元韻

離堂且盡酒杯寬得請清卿自古難釐禁廿年

恩最被鷗波一曲秀宜餐歸裝但載圖書富綵筆曾經氣

象千劉井柯亭容易別觚棧回首夢長安

揮灑書名動八垠

揮灑動八垠少陵句

即今藝苑重經神文章舊價

千純錦湖海遐心獨繭綸荔熟茶香家範古鶯飛草長故

園春偶然出岫雲如我為報山民與澤民

蘇軾所藏令子秋吟編脩

詩索題即次其韻

桂堂舊史罷歸日補史亭中富著述大科記闢丙辰歲老

輩風流往還密同上徵車齊與厲椒園泉亭數可悉吟壇

羣雅追湖山海內人材比膠漆過春赴

閒居屋容滕文字之飲德呈聚不獨青藜照太乙韓孟聯

句遠擅場羊何共和積盈帙白髮垂腰眼如月屨屣叢殘

猶滿室往時投贈衍波牋檢點僅存什之一遺書賣盡書

清愛堂集卷二十

二

堂空洛誦無八副墨佚三百餘番賴蔣詡

謂東橋

竹徑開時

同品隲牙絃已絕子期死誰鼓湘靈江上瑟觀河歲憶波

斯三懷舊文思建安七重裝又見小斜川

謂秋吟

遠性風疎

逸情逸碎璣零璧紛琳琅剩馥殘膏丐簡畢不厭百讀沫

且眠重是

先朝大手筆

三月三日同張夢草蔣秋吟遊陶然亭

晨氣尚餘潤幽偏約共探宮雲天尺五亭禊月重三葭亂

暖風動鷗鳧閒意諳昔賢觴詠地茶具挈都籃

謂秋吟

放眼得清曠憑高無點塵數峯微有雪昨夜凍含春車馬

遠囂境鐘魚參靜因踏青寒食路幾日柳條新

春陰

雲絮烟絲畫不成，遠春漠漠水盈盈。添將芳草可憐碧，襯得杏花如許明。乍緊東風吹未散，纔過寒食曉難晴。目窮千里青蒼外，惟見西山雨翠生。

春寒

十日披綿不出門，燕山三月淡朝暾。磨來凍墨無濃色，解後輕冰有涸痕。酒瓊欲拋猶瑟縮，香篝重理太溫存。百花故遣遲遲放，醞釀都歸長養恩。

種花口占

每趁東風買幾株，斜街花市費青蚨。方春得氣如時輩，後日攀條憶老夫。雨露能酬生意足，燕鶯藉慰客情孤。寄園一角身猶寄，乞寫藤陰養樹圖。

清愛堂集卷二十

三

過憫忠寺

西山一半夕陽斜，古寺重停轂。鯨車啼鳥數聲春，去也綠陰深處數餘花。

雨後曉過萬柳堂歸題朱野雲

鶴年

亦園補柳圖卷

城東境清曠，一雨生夏寒。中車道不滑，綠秀蘆筍灘。林欹山淡冶，花妥春闌珊。問訊昔年柳，流鶯歌已殘。千載廉野雲，亦園還舊觀。惟餘觴詠地，烟蓑倚釣竿。

烟雲足供養，水木極明瑟。山郭淨朝暉，清氣滿襟溢。池臺竟陳迹，尚想經營日。高下地百弓，何如安容膝。承平光景好，大科奮鴻筆。元老吐握心，風雅世無匹。

入寺笑拈花，展圖記補柳。十年樹木計，萬綠濃于酒。阮詩

芸臺與翁筆覃溪學士當代大作手登臨興如何翰墨緣不朽
遊燕四十載爲郎今白首南鄰有朱老筇屐吾其友

過晚香亭盆桂正花

秋光迥澄霽徙樂林園近忽聞木犀香涼風隔林引此花
北地少瓦盆別數本枝直垂扶疎叢生倚偃蹇寒移暖室
密暑灌清泉滿獨得養人術芳信年年準前身是金粟夢
落小山穩如參晦堂禪已悟吾無隱

許文芋園喜得元孫賀之以詩

當年五葉茂萱芝京兆門高祿養時前官治中時尊慈馬太夫人五世同堂
一自湖山娛大隱又傳玉雪稱佳兒小郎君纔六齡春添小鳳開

仍耳喜送雙魚介壽眉試看花封民父母抱孫人是舊舍

清愛堂集卷二十

四

飴令孫宰
皖江

載見曾元恰一家玉堂封事慶無涯詰嗣青士官翰林由院長入告

昇平有象人爲瑞仁壽多男

帝亦嘉紬史希聞今烏奕傳經難得世清華紀羣我媿新
蘿施松柏陰中結子花

晨過棗花寺

秋色清華曉湛然重陽漸近薄寒天寺分脩竹纔通徑人
對黃花但品泉閒境只因能避俗樂方要在不求金貧官
會索長安米今歲仍逢大有年

懷李石農方伯

憶昔雲樓共雪堂同時上考拜

恩光吾從子若驂之靳久不見如參與商人海故交星落
落天彭遠信嶺蒼蒼爲霖事業迺來軫先種成都萬樹棠
月夜旅懷

皓然成獨立對影惜他鄉殘雪凍垂滴疎星寒歛芒一年
騰暮景千里共清光紙帳梅花外今宵歸夢長

夜月上窗藤影如畫欣然成咏

壓架老藤瘦飛光寒月新一窗雪色紙四照墨華春宿鳥
忽翻動潛虬還逼眞遙思草堂外疎影寫梅身

雲樵少宰以與古香司空倡和詩見示輒次其韻下

疆剛大
淵獻

暖風吹碧草離離老健年華黯自思無事只如犀首飲有
清愛堂集卷二十

五

情未減虎頭癡曾探星宿原非遠便到雲霄已是遲愛說
夕陽行處好春光那復看花時

文章遇合信天翁也傍臚雲五色中對客鶴來偏不舞罵
人鸚小爲嫌籠平生檢點憑官燭多少神仙住閩風畱得
舊巢痕尚在勞薪重付軟塵紅

蟻虱臣今感益悲

先皇親勗守猷爲豐年玉每登三黜暮夜金還凜四知大
海風迴甘退鷁長安葉落久羈雌若論將帥馮公可更賦
羔羊五絨詩

彌勒同龕且瑟居雀堪羅又滿庭除苑枯集任新栽樹歡
喜緣尋夙讀書聽到晚鐘分佛火酌來春酒摘園蔬試燈

風裏唐花早索米生涯樂有餘

浮名身外總筌路
援有麒麟甕有雞
認路莫隨三徑轉
看山漸覺衆峯低
逢人故態雲如絮
照我清光月似圭
袞袞諸公臺省上
自來文福本難齊

一錯誰能鑄六州
及身須要定千秋
餘光炳燭書遮眼
浩氣凌雲屋打頭
難得金臺新市駿
相過石友舊盟鷗
苔岑臭味加珍重
此地從容樂爽鳩

月夜朱野雲見過言昨於城南廢寺見湖石一片在
雜樹下有篆書泗濱浮玉字及米南宮題名約翼日
偕訪之

紛紛涼月藤花影
空庭如水涵藻荇
山人踏破花影來
畫

清愛堂集卷二十

六

境分明卽詩境爲言奇
疆浮泗濱約我同訪郊園
春古歡況值景光好
但少閒人如兩人

過趙象菴舍人齋中益蘭正開

舊種黃磁斗新抽碧玉莖
不緣華露重自覺妙香清
交向淡中見春從幽處生
鷗波亭繞竹合共素心盟

送春日重過時晴齋贈顧晴芬學士

臯

歸燕落花天巢痕四十年

庚子下榻齋中辛丑被落南歸

餘春隨逝水故

相贖平泉藤割租鄰
逕榆飄買夏錢
逋翁吟賞足茶詬
共流連

晨過玉竦橋看荷

曉雨如烟玉竦橋
荷花世界少蘭橈
懸知天上香無際
已

覺人間暑盡消水荇風蒲涼漠漠紅亭白塔望迢迢濃雲

翻墨聲喧葉愛看明珠萬斛跳

時正望雨

七夕招同張同莊明經

珍臬

吳西穀編脩

清鵬

俞雲

史焜

庚

兩孝廉小集古藤精舍

秋庭綠無暑新月涼娟娟牽牛花已放款客藤蘿邊賞將
一斗酒拋取七夕錢談諧雜吳語小戶先陶然羣公盛綺
歲風景裂老顛他鄉負佳節匏瓜空自憐但乞洗車雨滂
沱灑天田買春賞茅屋種秫仍豐年

晚香亭看菊憶去秋與廉堂宗伯對花劇飲感賦

寒雨空林斷雁聲南村曾此共餐英茫茫泉下無消息黯
黯花前隔死生菊部淒涼歌韻香楓人點染淚痕清不堪
重把茱萸酒短鬢西風白幾莖

清愛堂集卷二十

七

九月十九日喜雨

京畿越小旱夏五涉秋九九衢絕湟潦日覺黃塵陡油雲
偶然興風怒土囊口長安米價高鮮飽嘆星甯犁雙竟未
能澤尺望之久時維展重陽龜坼鱗隔厚西山忽有滄霰
溼徧郊極濛濛潛入夜滴滴潤連畝濃陰荷鋤立招呼及
鄰叟榮鞠與樹麥記讀小正否明年餅餌香今夕黃花酒
莫憚需沙泥還噴問升斗

立冬前五日雪中對菊用坡公松風亭下梅花韻

滿庭黃葉如山村瀟瀟寒雨淒心魂忽然漫天冷飛白風
力陡緊愁雲昏三徑未掃僧未起此時那不思田園微聞

沙際行躑瓜惜少茶熟兼香溫瓦盆藝菊自怡悅連眉黃
色疑初暎平生傲霜今映雪剝啄不到東籬門晚節香畱
淡如此淨名經展渾忘言時晴快及餞秋約白衣更送芳
盈樽

次日同吳西園游崇效寺用前韻

行行款段湖柳村秋色未歛寒花魂遠山鱗鱗微有雪野
陰一片空庭昏看竹最好棗花寺交加翠色分淇園閒僧
養菊護苗早移入深屋開爐溫紛吾鄉思南浦草輪君朝
氣東方暎批紅判白要青眼春風得意豐宜門卽今冬心
寂寥抱天葩芬吐傾羣言作詩呈佛務本色拈花一薦寒
泉樽

清愛堂卷二十

八

趙象庵倉曹

斌

招同周霽坪

廷森

盛甫山

惇大

兩侍

御李鳳岡何硯農兩太守趙梅鄰明府

洛

小集賞菊

似聞灌溉一年勞纔得秋容五色遭花入霜天偏不瘦人
來酒地更加豪升沉湖海雄談放蒸蔚雲霞逸品高三十
年前諸笑伴相看白髮首頻搔

十月二十日雪霽同吳西園登陶然亭三用坡公松

風亭詩韻

梅花昨夜開前村還鄉夢好飛吟魂纔過小雪見三白皚
皚積素忘朝昏出門一笑但乘輿車隨縞帶循郊園餘霰
飄從烏帽掠負暄喜甚黃綿溫鶻盤已失巖背塔鴉翻初
閃城頭瞰林巒刻畫露葩粉清淨眼入不二門後視今猶

今視昔鴻泥往迹吾何言歸途指點酒旗凍皓然籬落沾
傾樽

題朱野雲小隱巖圖

巖在江右貴溪夏忠愍公讀書處

千越亭西覆釜山扁舟來往卅年間匆匆未訪幽偏地界
道飛流白石關

萬年橋上曾觴月太息鈴山盜水衡不及空巖畱小隱畫
師猶記少師名

後感舊詩八首

童子師會奉聘君

何徵士春藩先生

論交陳紀又陳羣

梁學士舟先生

里中耆宿衣冠古海內靈光翰墨勳花竹小山多秀野
所居曰 小山居林泉半世亦清勤
學士舊第有清勤堂 只談風月猶餘事悉

數

泗

渠卷二十

九

三朝獻與文

老輩風流不可攀文章崔蔡畫荆關渭陽館冷門前雪晚

翠樓殘郭外山

舅氏竹堂吳先生家有晚翠樓

秀啓斜川花又謝

表弟充甫明經

克紹家學早逝

吟成春草夢難還

家松窓兄同受學於舅氏

兩家鵲起諸孫好

顧我霜毛亦已斑

石鼓重摹蓋小亭公車不上抱遺經八分奇字兼飛白千

首名章未殺青古訓紛紛通德論寒空黯淡少微星雨峰

化去蒙泉逝誰與江山發秀靈

張芑塘徵士燕昌重刻石鼓築亭覆之尤長飛白俞

秋府孝廉理老謝公車著作不輟以手抄詩集屬余刪定尚未刻成羅聘奚岡並工畫與二君亦友善

甘棠花下太勾畱小別俄成萬古愁歸夢可憐隔秋水入

生何苦死揚州溪山舊約難重續金石遺文尚待收長事

袁絲悲獨立飄飄天地一沙鷗伊墨卿太守視余如兄家
有秋水園服闋北上卒於

邗江
寓館

秋簾萬卷記搜羅久別猶將小句哦趨

禁不言溫室樹浮瀛載挾左旋螺春隨行省山川徧話到

蒼生涕淚多未報

君恩先死孝日斜梁木廢哀哉方葆巖尚書久直樞省兩
渡臺灣左旋螺頌自

方定風之寶也乾隆甲寅主京兆試余領分校有詩云此
意真令寒士感麻茶倦眼夜挑燈別十年後相遇於蔣礪

堂同年座上一見即誦此二句作督閩浙
陳情終養奪情疏辭未除服而死孝矣

博通爰歷與凡將不獨經神吏亦良直比朱絲翻畢命溫

如清玉竟摧剛吹毛到底無纖染披髮何因下大荒

清愛堂集卷二十

十

帝許崇祠民隕涕近傳遺愛葬桐鄉

袁李詩
齋方伯

公瑾同年姚伯符升堂分俸到慈烏三台星轉尚書履一

瓣香畱明聖湖絲竹中年賴陶寫壺觴間日愛招呼周廉
堂宗

伯奉 使到浙以 賜金為先母壽年陳崔鄧李多零落

來過從 尤密門下士 近已立祠西湖怕展西園掃葉圖陳梅垞 崔雲客 鄧蘭溪 李鳧塘 皆甲辰
同歲生 丁未夏秋間同校四庫書於文

源閣下賦
詩繪圖

王阮餘波雅唱酬王蘭泉 阮吾山 兩先生
舊長秋官提唱風雅詩人曾共白雲

樓玉關生入

恩長紀錦里來旬愛獨畱節鉞新銜身後換烟霞舊句集

中收李石農 論成 賜環開藩西蜀最得民心 近奉開府
滇南之 命已不及見矣 昨以所乘雁蕩詩草見寄

上鈴生入 玉門小肆祝予更有傳衣痛析木津寒起緇謳李生于培
觀察天津

積勞成疾不起
皆西曹舊侶也

謝文節公號鐘歌為吳素江明經作

琴陰刻八分書
東山之桐一

山之梓合而為一垂千萬
古號鐘壘山凡二十字

六陵草長冬青死乾淨土生桐與梓號鐘銘署壘山名念
家山破悲聲起變姓埋名萬事灰新亭淚濺此琴材滄桑
世換紅羊劫禾黍秋殘白雁來市隱建陽經幾載憫忠寺
繁南冠在同調原非汪水雲知音未是程文海當年盾式
製光堯半壁江山竟寂寥一樣青原文信國松風彈徹雨
瀟瀟竹如意擊西臺哭遙和西山采薇曲傷心不見木波
師共命先聞柴市戮絕粒從茲遂絕絃人亡琴在轉淒然
梅花紋斷二十字菜圃沙沉五百年摩挲賴有延陵季不

清文堂集卷二十

上

為移情為取義省識橋亭賣卜人流芳寶祐登科記

霧松

豹隱俄看曉色空寒威添得白濛濛徐飄雪片冰花外細
鏤山條水葉中映到初暝暉暮雁剪殘清玉質玲瓏小加
點綴霜林景未許漫天舞朔風
冬至前一日雪後過集賢院
小至催寒暑西郊黯凍雲樓臺天尺五林岫雪平分驢背
冷同趣鷗心閒不羣柳邊歸院路猶似絮紛紛

冬日寄園偶成

細啄冰苔瓦雀行西風掃葉動簾旌條條藤子霜餘裂墜
地清於碎玉聲

殘客教辭報謁稀却寒深擁百城圍向陽花戶油窗小可
愛曦光野馬飛

朝衣典盡官逋了不買斜街出窰花猶有古藤倚冰雪一
庭寒月影槎枒

翁羽寒廬類凍禽比鄰重訪舊苔岑年來漸少南村侶賴
有黃梅花素心

宵深煨芋酒三升品字柴頭火尚騰輸與僧難與清絕光
明天上供冰燈

臘餘斗室已含春殘雪消遲月出新一樣兒時宵雅肆青
燈有味白頭人

上元夜同張同莊作

以下音雅
攝提格

清愛堂集卷一十

七

堂花已發紅牡丹且貰滄酒羅茅盤天涯佳節共佳士得

醉差覺鄉心寬疲羸命駕小卓往並載翩翩披鶴氅柳巷

南頭試買燈碧琉璃地曠輝潑人在大梨花裏行笙歌小

部聽分明書林畫舫千條燭疑到蓬萊不夜城門前處處

春燈謎猜徹心花如上第秦客廬詞莫讓能東方射覆成

游戲歸路重經接葉亭燒秦故事爛熒熒天街似水人初

散珠斗低昂挂玉繩長鬚僕久踣問俟照室紅爐燄騰起

暖酌還開藥玉船林鐘欲動參橫矣難得風清月白宵閒

官隨分樂消搖不扶柳栗誇腰脚暮景飛騰或後凋回頭

四十年陳迹不信長安眞似奕燈火樓臺換主賓風花茵

溷俄今昔獨客三秋住寄園清寒消受度朝昏掀天宦海

回颿早白首爲郎道亦尊殘雪一堆冰更老庭下空明交
蒼藻如君便是張懷民第一回圓今夕好不問晚風詞意
看花戲作

清和四月賞芳叢愛煞深紅間淺紅直把名花當傾國風
懷不與少年同

鄧簣山刺史

夢琴

入祠名宦詩爲令子菽原明府

傳

安作

檐瀑宵達晨久旱雨忽賜甘澤歡良農大暑去酷吏適展
崇祀錄鄧侯績咸記首臚禱靈湫洞著石龍異束火入其
沮滂沲旋踵至旣蘇槁噓枯有遺秉滯穗正直能感通慈
愛本仁智嗚呼清慎勤一轍忘易地至今秦蜀民刊碑猶
墮淚畏壘尚尸祝桐鄉況舊治馨香俎豆新歌舞到童稚
用汝作霖雨詩以風有位

清愛堂集卷二十

三

寄園偶成

在家如客久忘家朝市山林樂事賒彌勒同龕弃塵滓維
摩善病散天花涼生遠夢新秋雨淡入遙吟向晚霞但有
禽聲無剝啄綠藤陰下讀南華

耳聾

耳食古所鄙不聞我何窮前月忽已過

耳從前月
聾少陵句

重聽將

母同誰爲椒專佞笑豈蓀佯孽卷荷雖屢側塞豆眞如充
自嫌俗儻甚那得取聒通聯牀虛夜雨落木問朔風陶寫
罷絲竹喧爭任雞蟲人是與人非一付浮雲空

九日園丁送菊用少陵園人送瓜韻原詩草字再押

韻委依次和之

節候今歲遲秋英開不早茲辰屆重九籬東徑新掃壓擔

滿眼黃隆然郭駝老寒香未全吐蓓蕾看已好養樹通養

人蒔花非小道由來傲霜姿合伴不秋草品潔餐比蘭慮

淡吟據槁瓦盆參差列瘦蝶俦伶抱比鄰有禪扉取次足

幽討試與書花券匆匆不暇草

裡水彭石夫孝廉壽山見示唐王鱣祥所書妙法蓮花經

一頁真蹟日同村下管地盤登陶然亭

琴泉山塔劫灰餘梵夾非緣貝葉書義獻文孫傳法乳人

間那不吉光如宜

清愛堂集卷二十

十四

齊心嗜古有彭宣客裏時時話墨緣念我同龕只彌勒故

教禪誦散花天

九月十三日同林石笥明經崇炯登陶然亭

野水一灣收積潦蘆花深處小車來亭高落木西風緊入

倚孤雲遠雁回壇坫論詩多鬼錄壁有王蘭泉侍郎詩同游之藪人時帆石農墨

卿皆下世情懷中酒本仙才石笥京兆年光已是重陽過賈勇

登臨亦快哉山由來懋靈交合料不煉草品懋登水蘆

獨醒不待曉蕭蕭一夜風年光草色變鄉信雁聲通秋竹

隱寒碧晚花餘冷紅何妨檐雀噪已似許丞驥

吾笏山比部德循手貽冰仙木瓜詩

吾笏山比部德循手貽冰仙木瓜詩

年光破臘分清供逸韻酸香子細尋冷淡與君殊俗嗜寂
寥念我抱冬心攜來江上素馨遠映向眉間黃氣深慚愧
瓊瑤何以報成連一曲待知音

新正三日小雪初晴過趙象庵舍人夾花室同姪彭

年作以下層
維單閣

凍雲四卷快晴嘉冰轍看隨縞帶車迎歲纔飛燕市雪通
鄰爲訪馬塍花密圍蟄室梅含蕊細鏤鱗原麥透芽試寫
新詩教阿買奇芬待爾吐天葩

過古藤書屋

寄園我已三年住每日藤陰散旅懷此地棲遲有朱老花
時爭說海波街

清愛堂集卷二十

五

彭脩田司寇陳臬閩中茹古香司空招集同年小餞
并用尖叉韻首倡二詩屬和

柳綿纔放綠纖纖雅餞何煩酒令嚴漫說升沉茵六溷若
論臭味水和鹽看人接翼多矧漢笑我低頭又傍檐回首
苔岑垂冊載也曾穎脫處囊尖

待漏朝朝先曙鴉八閩又見擁高車黍禾正待民蘇雨桃
李猶畱手種花

帝念

宵衣須善俗人言畫錦恰過家題襟更有沽春約挑向梁
間費畫叉

桂舫尚書還朝同年小集仍用前韻

雲夢吞胸不芥纖平生只是擇交嚴無多好友依蛩駝太
半清貧累米鹽落落晨星風柳岸沉沉春酌雨花檐離亭
昨記彭郎別謂修田笑拂鞭絲馬耳尖

粵王臺畔建高牙歸載圖書富五車青鬢未飄吳苑雪白
雲閒落訟庭花羣公鳧藻行參政老我鱸尊合憶家身世
太平須擊壤林泉莫誤路三义

題家忠節公暨孝烈先生遺像二十韻

冒潮良臣遠生逢勝國衰椽人中旨矯委鬼太阿持折檻
鷹鷂逐當關虎豹欺童昏無不可天醉竟如斯忠節登朝
後都垣拜命時薦賢高邑宰圯族見泉兒器肯薰蕕共奸
從鬼蜮爲神羊邪必觸社鼠技頻施已屆羣陰沍空煩一

清愛堂集卷二十

七

木支上書徒諤諤去國敢遲遲品更東林仰謀先北寺疑
檻車終密捕緹騎早橫馳遂起同文獄全歸鎮撫司銀鍬
沾碧血狂狴產黃芝箱口心難剖囊頭體盡糜冤霜愁慘
黷孝水痛淋漓廣柳扶歸恨摧蘭死去悲魂猶飛漆室夢
采北金碑白黑當年變丹青異代垂至今宗袞慕尚懍古
鬚眉

午日鴈客既罷大雨忽至復酌至暮
款客蒲觴醉梅炎午益蒸黑雲翻急雨赤脚踏層冰洗殘
更芳酌貪涼籠晚燈不辭杯百罰暮景尚飛騰

秋郊

秋陰忽成雨西崦放斜暉林缺白雲補沙鳴黃葉飛行吟

驅瘦馬搖落授寒衣已是重陽近緣籬問晚菲
秋泛二楯

疎柳殘黃帶遠城蘆花如雪一川晴繹驢緩緩紅闌舫秋
水長天洗眼明

吳雲樵少宰以成邸桐紙蘭亭臨本索題卽次元韻

寄迹在寄園人海獨離垢異苔而同岑甚愧故人厚翰墨
共結習金石要諸久論書詒晉齋無能出其右外力中藏

稜視昔等今後桐紙勝繭紙臨池對雪牖

款題丙子仲冬

褚虞尚

腕弱鄒枚亦才朽世已仰間平會不命賓友顧我薑芽拙
近更松桂誘有感於斯文典懷呼負負伏梁闔檻間行賺
蕭翼手

清愛堂集卷二十

七

題桂船尚書風木圖

承

恩歸介壽

賜帑起高墳風木猶餘恨青山縈白雲蒼生方託命綠野
豈容君蒲柳吾衰早春秋上冢勤

晚菊

散僊高隱悟前身秋色清華閱幾巡暮景誰爲青眼客冬
心合伴白頭人照來古月瘦如許耐得濃霜傲亦真若共
早梅論品格也應管領萬花春

孫烈女詩

古著嫁殤禁今看絕粒悲眼枯空有淚腸斷不因飢茹恨

清愛堂集卷二十一

寄園吟藁下
贈吳蘭雪舍人

寄園吟藁下

贈吳蘭雪舍人

嵩梁

卽題其詩卷後

以下上章執徐

覃谿七字歌春松寄聲蘭雪何匆匆

寄聲為報二吳子覃谿七字歌春松戊午

出都時翁學士贈句謂穀人蘭雪也

我到韓江君已去題襟館裏暫佳句知

君十載遲識君袁浦客揖前將軍

松制府行館始相見

出藍始修士

見禮浮白盡吐天葩芬行卷披吟百餘首從此項斯常在

口別有相憐抱璞心不堪旋放搏沙手白首為郎今幾年

長安花落紫薇天枝官都作將歸雁浪迹渾如不繫船投

我一編共欣賞金石千聲芒萬丈青衫紅袖共飄零月地

清愛堂集卷二十一

一

花天成俯仰舉世何人薦爾衡飛花御柳賦春城此才未

合隴仙老他日修書宋子京

曉行郭外野寺看花得詩五首

初墩纔上曉煙平一路流鶯喚出城露豔風香花擔子壓

肩紅紫馬頭迎

袁甫容巖前將軍

雜英暖趁野風開鹿眼籬邊繡綠苔春色繚垣藏不得高

花特放出頭來

蘇轍蘭雪句

花雨諸天結淨因叢叢幻出錦城春佛家富貴莊嚴相莫

認朱顏酒入唇

斬新萬點濕燕支恰襯高楊綠四垂瀟瀟清泉繞階去落

紅自在且流之

白髮逢春祇自憐，旁人爭喚海棠顛。
縱輸蝴蝶深枝宿，花國朝來也占先。

萬壽寺松下作

七松吾舊識，特地款禪扉。
滿徑落蒼雪，此髯高白衣。
蟠根瑤草秀，蛻骨玉鱗肥。
好伴春浮樹，成陰四十圍。

過蘇大司空郊園看牡丹

看得春光又一番，輕霞朝舉彩軒軒。
買栽池館花宜稱，紅杏尚書綠野園。

畫眉相喚過橋來，細數紅芳繞翠苔。
況是一叢深色好，碧桃花外起樓臺。

崇效寺看牡丹口占

清愛堂集卷二十一

二

晨露澄鮮散綺霞，鞞紅衰白對交加。
長安富貴春如夢，冷眼年年看此花。

餘地商量更買栽，染香戀戀重低回。
西湖蓴好思歸去，明歲花時未必來。

蘇大司空園看芍藥

莫認豐宜老圃家，綠陰池館占清華。
朝酣乍進扶頭酒，午韻猶畱婪尾花。
百和濃香開又落，一條軟繡整還斜。
鬢絲似昔風情減，回首紅橋舊夢賒。

送楊柏溪同年

韻

旋里次古香尚書韻

清畏人知近見稀，乞還敢說遂初衣。
樹因插漢堅多節，雲已爲霖澹欲歸。
到處春臺畱犢愛，只今秋水憶鱸肥。
西湖

澹後餘甘澤我亦蒼生戀德暉
傳經業在論難磨源委分明辨海河勇退始知清福大閒
身翻喜著書多卯君故里偕扶杖驥子文壇早執戈屈指
賞簧聆載鼓蒲輪那不換漁蓑

古香疊韻見示因再和之

秋晨指點已星稀回首春風慘綠衣
山色相看渾似舊禽聲只道不如歸
吐茵往往能容傲乞相悠悠笑舉肥
江上離憂心事遠解人惟有謝元暉

汗簡文章不可磨腕將慮脫口懸河
奇峯一品藏偏富廣厦千間庇已多
錯壤荆川雙建節謂筠圃周法蘭塞獨橫

戈

時雲樵方扈從

祇憐白首郎潛者衣綻西風挂似蓑

清愛堂集卷二十一

三

送楊蘭如同年志信旋里

春柳當年濯濯姿觀河面皺鬢成絲歸田賦後飢還去落
葉聲中醉不辭王謝堂前同燕到荆高市上少人知
山妻遠訊煩傳語姊妹花開兩地思

比牒山公啓事年大東先後祖生鞭泥鴻飛雪蹤難覓衣
狗浮雲夢亦顛幾度金臺悲駿骨憑誰玉貌說鳶肩察眉
憂樂平生志笑謝江神未有田

趙象菴招飲賞菊集杜

漫作潛夫論多慚鮑叔知老思筇竹杖來把菊花枝禮樂
攻吾短幽偏得自怡欲浮江海去敢恨省郎遲

次劉藝圃農部錫申殘菊四首元韻

籬根檢點好風光漸近黃昏駐夕陽落葉亂堆高士宅衰翁重入少年場謝來殘客門如水傲卻寒威徑已霜萬紫千紅等消歇不須冷暖問東皇

佳色凌秋品獨清風風雨雨耐支撐長畱晚節標羣卉但吐寒香過一生半醉尊空偏得趣無言人淡自多情寂寥只抱冬心在記否離騷賦夕英

萍梗生涯黯自思延齡有術已情癡曾誇采采黃金色載詠英英白露詩逸品相看圖更好枯荻忍便棄如遺悠然嘯傲東軒下瘦蝶伶俜抱恰宜

繁華蕉萃且隨緣色相皆空卽是禪此夕簾櫳聊復爾明年雨露定依然清寒況味心原古遲暮光陰骨本仙一覺

清愛堂集卷二十一

四

揚州尋舊夢傍花村裏種花田

揚州傍花村蒔菊連十餘畝

卽事二首次錢謫人農部

儀吉韻時清釐入旗地詠與謫人共事斯役

分茅華胄已遙遙亦有先疇本業饒隰鏤龍鱗周萬畧獄紛雀角闕

三朝敝圖具在無畸重傅別猶存庶久要農率均田春又及雪花迎歲不封條

塵封舊牘劇煩拏鈿劄惟應細意加方稽人原敦孝弟入關俗早藝禾麻爰書爲注司農籍經界常修野老家往日爭田今讓畔夕陽影裏數寒鴉

冬日書懷八首次吳雲樵同年韻

軟紅頓歲太蹉跎白髮光陰取次過河洛幸人原不偶貞

元朝士已無多冠裳濟濟軒乎舞金石淵淵歎也歌只是
薑芽慙手拙臨池難法永興戈

檢點生涯澹泊遭五陵翻避少年豪由來相馬塵中誤畢
竟觀棋局外高李廣數奇侯乃蔡相如文少善於臯長安
花事開還落前度依稀認種桃人

憶昔衡茅愛養眞挂名朝籍卽臣鄰空懷秋錄求生筆曾
慕淮陽臥治人將母晨昏年已往行隄風雨水之濱掀天
宦海回帆早何幸舍香畫省新

西山蒼翠聳崔嵬拄笏朝來爽氣迴種樹十年同活國評
花萬品卽量才翩翩秋燕辭如客隱隱宵蚊聚亦雷聞道
黃金曾市駿夕陽最好上燕臺

清愛堂集卷二十一

五

攀髯望極

鼎湖邊

先帝恩深廿五年備舉禮先帝恩深廿五年備舉禮先帝恩深廿五年備舉禮
上儀徵禮先帝恩深廿五年備舉禮先帝恩深廿五年備舉禮

達孝側聞

新詔屢興賢夔龍佐自時謙暗玉璫空對燈綵未盡筆會
三朝逮蟻蝨臣曾九櫟聯緣結人

天銘

舊德

玉音親對憶潸然

無容瓠落此心蓬堅白何論異與同冷眼成行趨府客放

懷獨立信天翁每緣卻掃門常閉尚愛留賓酒不空晨夕
素心相對好黃梅花發紙窗中

樂職中和已暢垓客嘲賓戲漫疑猜凍畱雪印追鴻爪扶
破雲羅枉鳩媒廣莫風高先墮戶坳堂水淺便膠杯昨來
鄉信傳佳話葑老湖荒計日開
歸田舊約記分明於市於朝兩不爭老境蔗甜宜夢穩急
流拖轉尚心驚候當臘近占豐玉春到人間重晚晴預想
他時扶杖叟茅檐曝背話承平

正月十九日周芸臯編修招飲

以下重光大荒落

落燈風起思無涯顧曲筵前月未斜韻友翩翩吟柳絮鄉
心細細說梅花年光燕九長春館歸計犁雙下澤車醉後

清愛堂集卷二十一

六

飛騰忘老態相思他日折疏麻

雪後訪李鳳岡太守室有紅梅絕非花窖中物欣賞
不足率成一詩

花匠回春火攻力紛紛紅紫無顏色抑之探之束縛之不
入幽人衆香國幽人九九坐寒消活色生香慰寂寥手種
小梅花一樹臙脂痕濕不封條朝來微雪黏苔徑問訊梅
邊鬪吟興絕代佳人伴老夫琴南硯北凝粧靚

春分後七日雪中趙象庵舍人招同李鳳岡太守白

小山學士張抱谷舍人小飲蔗山園時海棠乍開卽

席有作

門巷泥深屐齒通皓然籬落望空濛春光一半冷飛白花

信三分微垢紅世有獨醒惟正則坐無不樂爲車公聲聲
檐滴皆甘澤已逗天街擘柳風

去年四月三日過崇效寺看牡丹有句云西湖尊好
思歸去明歲花時未必來時予已有歸志不意蹉跎
經歲看花重到倒押前韻復得二詩

禪房四十四年來婪尾遨頭更一回猶有白頭僧問訊
三朝雨露日邊栽

多情愛看老年花未遂初衣齒又加歸夢水邊連竹所春
風細細酌流霞

六月十二夜夢南宮報罷覺而有悟枕上漫賦

涼堂夜灑槐花雨一枕蘼蘼俄栩栩現作青袍鶴立身榜

清愛堂集卷二十一

七

前制淚空藍縷無分名登千佛經有人曲按霓裳譜掉頭
入海興尚豪垂翅回溪意良苦未知肝膽還向誰可惜頭

顛已如許圖南行復狎鷺鷗敗北焉能雜龍虎泥金莫慰

望雲心片玉難邀修月斧

皆夢中情事

夢境前因結想非覺來

往事從頭數垂四十年殘齒牙喫紅綾餅慈恩侶假饒瑁
璪直至今同學少年相爾汝文章無口任吹毛席帽黃塵
噲等伍僥倖成名亦偶然素餐日耗太倉糈尋思老筆蒼
生花檢點光陰一炊黍坐看天街閱使星不堪穿縞餘強
弩退想猶爲逢掖生蟻戰風檐寂無語文昌東壁信有神
妙理南柯足起予

題菘圃相國歸棹圖卽以送行四十韻

一水還鄉水同年四十年丁酉至今四十五年 乘標方宅隩作楫竟

歸田

帝正資良相時爭款大賢得閒因善病底績遂言旋忠孝
門長紹河渠志夙研清芬詒少宰麗藻冠羣仙翰詹大考一等劉

井柯亭地潘江陸海篇量才班玉筍視草撤金蓮

特命星軺使俄移露冕權已酉秋以視學皖江陸辭即拜觀察之命 澤真千里

潤化已六條宣棘聽孚應徧棠陰頌早傳召郇遺愛在梁

宋被恩偏作督榮三錫承家障百川桃花頻石榭瓠子又

薪寧如駛能迴否其魚庶免焉曾紆謁者策肯費水衡錢

黃運經營裕東南捍禦全屢督東河南河 狂瀾雖滾滾巨浸等涓

涓每奏平成治咸歸福德躔尚書青瑣闥司寇白雲編銜

清愛堂集卷二十一

八

更加宮傅官仍侍

講筵沁遙翻貫汴淀漫復浮燕濬畎分難易行隄別後先

澹菑煩隻手拯溺賴仔肩待歲宣房築將登受策延湯湯

波漾外黯黯

鼎湖邊鱗築工期鞏烏號痛欲捐厥成靈瀆祀恰屆沍寒

天急景嚴冰雪勞臣損食眠圖終兼歲仍嗽上詎時控程

許還

朝緩章陳引疾堅望殷元老重誠荷

聖人憐休幾經三澣階凡歷九遷身雲霖既作心鏡月常

圓勇退箕裘嬪戊戌年少宰公 者英潞鄭聯謂桐門相國

寵頌鳩杖古綵舞牙衣鮮謂長君 晚節旬開八期頤叟宴

千萼衷傾向日椿
筭畫凌煙蒲柳慚
搖落兼葭願溯沿
抽帆春漲近指點
秋寒餘韻闌中
江山翠墨飄飄

賜書船

同蘭雪過鳳岡齋中因畱小酌象庵小山亦至

涼風起天末吹散大陵氣
出門詩骨健相訪同臭味
一笑問無恙暖眼紛秋卉
就中紅蓼花搖搖色映蔚
張觸江湖興知希我方貴美
膳辦咄嗟沾春劇破費但得
酒中趣不飲醉云旣二伸
于子來益友况所畏近局
不待招遐心藉以慰樂逾
榮啓期知是無爲謂談深
月照人數聲吟絡緯

至者羅太史唐農部

清愛堂集卷二十一

九

一年秋平分初涼
天宇霽昨夜月清圓
今宵雲點綴李侯有嘉招
比鄰履重曳雜花在籬落
露蟲喧滿砌軸簾意瀟灑
晚庭燭以繼不定是陰晴
明蟾吐復翳浮生悟卽景
笑口開破涕白髮各盈顛
黃壚幾歎逝飛英與落葉
況已桑榆歲天竺古先生
如來最小弟只是刹那頃
漫作無涯計杯行莫停手
小戶酌亦細便須日日醉
俯仰同一世後約鷗波亭
畱人小山桂

象庵家桂已試花

陶然亭登高同滇生雲史

小山翠畫應難

佳節成吾老悲秋強自寬
登臨飛鳥外搖落暮雲端
白髮星星短黃花歲歲寒
斜陽開半郭山翠畫應難

野水漸車去林亭曳履過
異鄉同調少新鬼故人多
太息

秋風客相逢春夢婆兩生如起予青眼望高歌

鳳岡招游郊園集杜

野老來看客郎官幸備員古苔生迳地喬木上參天宿鳥行將去寒花亦可憐相看過半百吾子得神仙

示以盆菊貽劉藝圃農部卽承惠詩走筆次韻

劉郎氣味醇於酒淡以成交我畏友壁上猶畱殘菊詩瞥

眼經年又秋九人生但得平爲福延齡不在南陽菊故人

近日太凋零每到花前淚盈目園丁送菊穿徑松我與東

野爲雲龍長鬚分餉瓦盆去望衡只隔僧樓鐘人是素心

客非熱南村同抱凌霜節黃花天氣爛秋容試看楓林殷

似血多君疾才勝司馬擊鉢謝花詩入雅如今人愛馬騰

清愛堂集卷二十一

花火速催春好事者

冶亭先生招同李鳳岡太守蔣丹林中丞小集賞菊

開徑園丁導扶筇國老迎交因忘分厚花恰得秋清宜酒

占宵夢

前一夕夢與鳳岡劇飲

歸雲放晚晴郎君官已貴賓樂聽吹

笙

嗣君比部新登賢書

隱問象庵疾坐菊花間久之卽用前韻

偶示維靡疾端憂罷送迎入方同鶴瘦園較入山清冷蕊

含經凍馥香吐趁晴頻來客不速坐久起銜筌

酬鳳岡太守再疊前韻

斜街舊槐市笑伴幾將迎花擔排辰集柴門似水清餘冬

誇老健快雪寶時晴年少由來重神仙子晉筌

蘭雪移居三疊前韻

詩人何未達四海久逢迎到處寓公貴攜將家具清新巢
知鵲喜晚菊快霜晴豔福真堪羨花間合鳳笙

趙象庵舍人招同查梅舫廷尉李鳳岡太守張研溪
京兆秦敦夫太史吳蘭雪舍人小集賞菊四疊前韻
年華過小雪寒到不須迎寄傲餘花瘦畱歡昔酒清老懷
憐舊雨暮景愛冬晴今歲豐和報題詩待補笙

賺菊篇蘭雪舍人席上爲錦秋女士作

鷗波亭主柴桑客藝菊開時金樣惜揀取凡姿付報投畱
將絕品娛晨夕奇芬一種吐天葩仙李經過早歎嗟

謂鳳岡

況復整齊排腳葉若爲結撰發心花吳郎愛玩低徊久乞

清愛堂集卷二十一

七

花未得歸謀婦果然一見悅瑤情

錦秋先
往看菊

遂出時需藏斗

酒隻雞近局相招呼趙李好事來于子批紅判白各欣賞
巧取豪奪成須與小奚徑向蔗山摻

蔗山象
庵園名

指索七莖花

湛湛主命曾無調水符竈言已入移春檻西鄰咫尺接柴
門寒蝶伶俚送瓦盆鬪草園丁剛被給謝花姑姆却傳言
花到紅閨花亦喜偏師暗度軍娘子畧同蕭翼賺蘭亭雅
稱淵明居栗里新開三徑竹修修

蘭雪甫移居
錦秋姓蔣氏

不枉嘉名

喚錦秋老我相看如霧裏天花不著散花樓

揚州權部廳事東偏有銀杏一本相傳爲晉永和年

物王春涯觀察

逢源

繪圖索題未及報而春涯逝矣

賦此以踐延陵挂劍之約還之公子

恩植
焉

昔歲守淮南關繻我曾攝嘉慶己未秋事永和銀杏屏舍旁古幹

輪囷認枝葉別去俄經二十年樹猶如此飽風煙繪之東

絹索題句當時寮案琅邪賢舊是飛鳧今衣繡君曾宰江都甘

棠菱合婆娑候宇落千年鴨脚畱生枯雙管龍鱗瘦宛然

坐我翠陰中讀畫題詩待報公屬草未成枯樹賦悲秋已

送白楊風故人落葉飄蕭似可憐又慟吳郎死卷中有山尊詩詩

亦不成吟淚亦不能止郎君扶護返家山殘墨淋漓重捲

還耄語諄諄歌當哭大椿遺蔭在江關

人日以酒懈一器餉鳳岡太守承報佳章率和奉酬

以下元默敦牂

郭索羅而致拍浮生有涯醉鄉秋臥甕蠅舍夢還家香已

清愛堂集卷二十一 七

分籬菊詩如報木瓜明年又何處思發草堂花

閏三月二日鳳岡齋中與劉松嵐張南山吳蘭雪朱

野雲小飲

平生送抱與推襟海內論交晚歲深晴愛判花明老眼喜

生見獵有童心只今氣味諳蔬筍自昔文章契芥針計日

櫻桃筵又啓尊前引興到山林

茹大司馬喪車南還送至郭外哭之以詩

桂杏會同冊載看

三朝文獻話長安集成一品心如水櫬返千家骨未寒鄉人

旅櫬無歸者公集貴載送晨夕過從鄉夢遠平生風義石

交難送君丹旄斜陽影白髮蕭蕭老諫官

張節母詩

卷施草拔紅心死不信人間苦有此生小伶仃何怙恃
熒弱質依舅氏芳齡十七賦穠李纔續鸞膠數日耳身未
分明喪夫子求死不得老姑倚始也又不諒人只海枯石
爛靡佗矢夫兄繼亡邱嫂鄙移官換羽新琴理以是藐孤
託諸妣保抱攜持式穀似不絕如縷紹宗祀可憐奇荒賴
十指高堂餽粥兒餅餌背人獨咽糠與秕猶子從師去鄉
里一病膏肓竟不起從此餒而若敖鬼女貞樹凋松柏毀
二十餘年荼蓼裹心映無波古井水綽楔遺榮風桑梓苦
節可貞付青史

清愛堂集卷二十一

三

每爲憐才淚滿襟才人幾箇受知深丹墀獨對三千字白
雪高歌一寸心我已殘膏捐兔冊君終妙手度鴛鍼明珠
按劍尋常事子墨如何問翰林

四月八日過崇效寺

淺夏餘寒候輕雲不雨天晚花紅欲退新筍碧逾鮮浴佛
除煩惱尋僧得靜便眼看農圃樂準擬賦歸田

五月四日聚奎堂卽事用壁間王哀白先生韻

望轉奎堂入海深歲華四七此重臨
自乾隆乙卯分校至今二十有八年婉

云鳩觸居言路愛說驚新集泮林時雨昨宵泥滑滑
前一夕雨

小年長日漏沉沉
是日夏至使星又見天街度老我渾無見獵

心昨考試差引疾不與

寓庭秋卉六詠

秋葵

試著淡黃衣道家好裝束傾陽豈無心秋老抱寒玉

美人蕉

綠葉疑腰扇紅粧出膽瓶蓑蓑隔窻雨那更異鄉聽

蓼花

落日老漁家數枝帶霞蔚涼風微動搖慣識江湖味

雁來紅

遶雁候銜蘆天涯斷行日濺淚未霜紅愁非少年匹

雁來紅一

名老少年感四弟之戚也

牽牛花

清愛堂集卷二十一

七

輕羅裁碧漢淺暈潑芳醅

以酒澆牽牛花則遲萎數刻此元時宮中方也

秋色疎

籬滿紅閨夢未回

秋海棠

牆陰漠漠秋雨檻低叢臥照見態嫣然流螢飛一箇

秋晚旅懷集杜

疎花披素豔去水絕還波地僻秋將盡歲寒心匪他徒勞

望牛斗誰道避雲羅舊好何由展新詩日又多

鳳岡新築觀山臺落成招同小集卽次其韻

城曲山如畫平臨眼界高入雲知鳥倦抱甕見農勞煙樹

著秋瘦歌呼乘醉豪自今花月雪來往此亭臯

觀山臺曉望

吏隱宜人海嵐陰上女牆囂塵於此遠賓主已相忘語鴨
寒俚渚鈴馳曉負霜但添煙水趣那更憶湖鄉

十二月十九日李蘭卿舍人彥章招集小雪浪齋作

坡公生日卽席有作

蘇齋歲舉坡公祀老去薪傳屬仙李謂單谿先生紫裘吹笛鶴

南飛本是君家故事耳生小眉山紗縠行七百年來幾丙

子吉日辰良臘適盡初度追思皇覽揆一場春夢付蘊邊

一盞寒泉薦瀾瀾萬言書上熙寧初人心風俗存綱紀平

生未展宰相才遲暮翻移玉局使憐我身宮亦磨蝎白髮

垂腰拂諫紙空言無補辦香媿老病人扶拜難起紉讀歸

田笠屐圖飽諳法界華嚴旨元脩菜與眞一酒今日初筵

清愛堂集卷二十一 五

相料理天寒欲雪盡此觴公若有靈公亦喜

有感

猶記當年手線縫寒人挾纊幾深冬而今絮凍長安道白

髮孤兒涕淚重

立春前二日喜雪

一冬釀雪未成雪暖逗條風二日先臘尾同雲凝夜半農

心及澤喜春前檐端冰柱聽鏗爾籬落梅花想皓然

宵肝勤民

恭儉德九垓齊報玉豐年

壬午除夕邀同何星橋李桐村謝香士吳雲帆錢古

坤姚小蘅姪彭年集飲古藤精舍用少陵杜位宅守

歲韻

久客頗思家江梅又著花人如傳舍長樹繞後樓雅戰白
詩情健搖紅燭影斜屠蘇最後與浩無涯

題杭堇浦先生桂堂聽雨圖卷

并序 堇浦杭世駿 澂波周憲別茶吳璋 陽協洽

增夕山熊長發靖岩許鉞江民邵廷建 琴高高睿各賦一詩具區王任湖畫

卷中聽雨賦詩凡七人許靖岩先生為青士翰林大父

周澂波

憲 山陽進士桂堂集有周

憲 阻雨書堂畱飲之

作卽此詩也又有送吳二

璋增

之江南并月夜聽高山

人

睿 彈琴五言古詩各一首畫者王任湖號具區山陰

孝廉書者周天度號心羅錢唐進士時皆館於桂堂者

詩畫作於乾隆壬戌桂堂主人方在詞垣越歲癸亥春

清愛堂集卷二十一

六

言事罷歸經今六十餘年典到琴書事可知矣其餘諸

詩老亦都闕裔無聞獨青士曩仲以文學侍從門材鵲

起益徵靖岩先生傳經遺澤而何明府

太青

之寄歸此

卷用意良厚謹次謹堂尚書題句元韻應青士之請

吹海風來天外黑急雨催詩紅燭刻詩人一一皆善鳴秋

在樹間同清聲就中許詢負才望于今何遜寄珍貺六十

年前杖履春半千孫又作霖人桂堂陳迹無多字不來舊

雨來今雨

題李鳳岡太守自寫生壙圖

自為壽藏始趙岐死便埋我伯倫甬寓形宇內任去畱到

處青山白雲夾白雲在天如可呼青山隨地知不乏人道

李侯壽者相十載林泉樂巾恰春明門外得斯邱遠秀盧
龍勢蟠壓卜築幽宮營丙舍手種松杉花亂插行厨款客
藉卉坐淨饌濁醪齊一呷魂而有靈知吾曹裴家悔不早
歡狎榻杓藉幹果何年那問絲葛兼縷髮寫作烟雲供養
圖達觀終古山心洽我今未辦買山錢歸權清風夢茗雪
差喜登臨腰脚健誓墓餘生後先甲從茲吾亦愛吾廬一
任卿還用卿法詩成放筆悟鴻泥春雪微消映簾押

題鮑覺生侍郎獨立圖

昨題寒風佇立圖楊園古貌君子儒

數日前沈曉滄孝廉以理學名儒張孝夫

先生小像索題

今展鮑叔行看子朝端特立獨行士士也七尺軀

昂藏砥厲廉隅近文章側身天地更懷古渺焉遺世成蒼

清愛堂集卷二十一

七

茫阿堵三豪畫師可清華朗潤傳神頗磊落軒天正倚公
江湖滿地能容我

清愛堂集卷二十二

仁和 魏成憲 寶臣

南歸小草

乞假省墓以上已後一日首涂月杪抵里意有所觸
口占成詠聊記行跡而已時道光三年春三月也

歸約三年竟九春此心戀闕可憐身疎星淡月觚稜夢會

是螭劫待從人乙亥之春自粵東將北上與礪堂宮保別

三年歸今已歷九春可斷章取義也

避人焚草乞歸田遭際

三朝四十年無補蒼生糜廩祿閒身敢說志林泉

遠翠西山望若空老藤偃蹇倚東風手栽花亦知離別故

清愛堂集卷二十二

一

故舍苞不肯紅

九年來寓寄園之古藤精舍陳南叔作寄園種花圖見贈

離觴不御意偏深生怕相看淚滿襟莫笑奚囊輕似葉壓

裝詩畫抵千金

出都時同人見惠詩畫甚富

春松先生之歸也卻贖與餞獨不禁歌驪漫賦二詩以

伸下悃雷門之鼓固無取聲多也

歙縣 鮑桂星 覺生

飄然一葉賦歸與春水方生岸柳疎欹枕夢迴深戀闕

據鞍人健忽懸車臺中白簡曾傳誦湖上青山好卜居

莫訝去畱渾不繫本來吾道是舟虛

忘年契自晚年深記得文章竊賞音乾隆壬子與同人拈課嘗叨賞譽

笑我歸雲仍出岫桂星前年假歸愛公霽月期盈襟攀嵇漸遠

冥鴻翼御李難迴去馬心溪畔梅花江上柳可容他日
一追尋

琴書檢點未全貧襍被蕭然自在身戀戀疲羸哀暮齒軟

紅風月共勞薪

董文恭公贈一羸駕車六載甚馴今以貽邵魚竹太史

阿買劬書歲幾更桐花雛鳳待飛鳴爲教親寫泥金帖不

聽春蠶食葉聲

彭年姪待試禮闈

征車臨發又停鑣小部笙歌介景朝三世論交十年長行

隄使者舊同寮

出都前一日祝王懷祖前輩八十壽共孫壽昌會共農曹三世之交也

姚合先亡尚有親

謂姚子方侍御能詩何李逝連旬

何硯農李小松一月中先去

後化故交零落年相若白首生還亦幸人

年芳纔過執蘭期宿雨清塵柳散絲行盡春明門外路不

清愛堂集卷二十二

二

曾衣素化爲緇

修禊後一日出都連晨得雨

東門祖道共歌驪猶子依依淚欲垂餐衛丁寧到童僕天

涯骨肉念衰遲

一自乘驄惟飲水從今策蹇且看山盧溝橋上回頭望西

苑修眉綠幾彎

村繞樓桑宅一區草廬三顧許馳驅隨時衣食於官仰尚

有成都八百株

過涿州訪樓桑村故址

使輶新按右扶風

帝視如傷集澤鴻書有河渠志溝洫澹蓄深望濟川功

時硯

農礪堂兩尚書銜命勘視文安大城積潦

九十平

九淀碧於苔略約紅闌望眼開連日春風怒於虎

元規塵奈汚人來

不敢告勞憐御者馬煩車殆程高下縱然覆轍鑿前車學
竟知塗輪老馬

疎燈照見柳甍甍十里沙隄露氣涵漁火隔烟星在甯行
人今夜度燕南

名流猶說日華宮書獻賢王善本充千載寥寥誰好古爭
傳姪女數錢工

醉翁門下許傳衣

河間紀文達公廷試二甲
四名每謂成憲爲傳衣鉢

況待紬書到

禁闈

乾隆丁未同校四
庫書於文源閣下

五長西臺典型在散材負負拜章

稀

短短蘆芽出浴鴉夕陽一半渺烟波飛來數點濼激雨便

清愛堂集卷二十二

三

覺乾坤清氣多

漸滿初弦白於曉清光千里照征轅關山月是長安月直
送歸人到故園

晨呼魯酒賣漿家不定陰晴驗早霞三月餘寒交數雨一
林如雪盡梨花

買山未就恰歸遲飽看青山那療飢近日陸莊荒已慣休
嗔不寄草堂貲

忽聞亭吏報郵籤一水如何苦變甜草草勞人經况瘁餘
甘蔗境是歸潛

行到荏山馬足輕山村稍就土微平匆匆已過高唐里采
徧齊風表海聲

遠峯落日半規銜土斷川分石未劔犖确逕微行九折隻
輪車上飽風帆

劣可容車絕磴盤壁開青峽不多寬壯懷消盡輪蹄鐵信
有人間行路難

稅駕東阿倦打包魚山祠下聽弦匏賸多眞少眞皆賸偏
是家家賣井膠

綠絲楊柳未藏鴉晨往東臯薄輦車寂寂柴門流水抱更
無人賞野桃花

菜花香暖午晴天叱犢呼雞野趣便高下麥藁多秀色青
青直徧汶陽田

長板官橋夾草泥投錢飲後馬頻嘶黃梁已熟青芻滿隔
清愛堂集卷二十二

四

水一聲聞午雞

春陰漠漠帶春城芳草萋萋魯道平人在雨絲風片裏惜
無烟水綠蒼輕

浮雲平野聳南樓魯國諸生識故侯獨有孤兒餘涕淚春
暉黯黯草油油

陰森古柏蔽空嵌里訪三遷廟貌嚴聞道水精堪比玉大
儒氣象總巖巖

名世原非力不任聞知道統至於今浩然歸志猶三宿想
見遲遲去國心

歸途曾此著先鞭魯叟吳儂話宛然清濟清淮重照影還

鄉水卽在山泉

陳迹疲牛踏自平不如歸去聽分明淮流轉處山如畫遙
指江南第一程

下邳瘠土泥蕩區邑有流亡鄭俠圖但祝餅香吹夏隴茅
簷菜色可能無

眼明公路浦汙云樾石飛芻績孔殷曾是往時籌筆地蓮

花府主故將軍

松相圖作督江南會
佐其幕駐袁浦累月

烟波舊與釣徒偕十載輪蹄厭俗霾今夕西湖先夢轉聲
聲柔艣下長淮

皇華追憶使駢駢官舫曾圖侍膳晨彈指廿年孤露恨繡

衣兒已白頭人

丙辰春以職事使淮先大夫薄遊相
值羅兩峯山人爲作官舫侍膳圖

清風袁浦達韓江宗袞名高樹節幢已見棲糧徧南畝不

清愛堂集卷二十二

五

須翦燭話西窗

舟過淮安家愛軒漕帥馳
使追邊風利不得泊矣

陶峴三舟空豔說筆牀茶竈紛羅列旁人錯喚孝廉船朗

朗讀書聲不輟

湖明巽社記秦郵山抹微雲句尚畱終古高臺傳幾處人
生難得是文遊

水宿三更鳥自呼市梢隱隱集檣烏扁舟除夕冰膠處認

得甘棠召伯湖

己未除夕阻凍
召伯埭有詩

揚子橋邊傾蓋餘重來莫問舊簪裾故人絕似秋林葉殘

照西風漸漸疎

乙亥秋北上穀人司成山尊
學士墨卿太守同舟送別

瓜步潮聲枕上春發人深省動晨鐘金焦兩點船頭見蒼

翠不如歸興濃

宿霧開時挂席雙銅鉦
初日射船窗
寒潮消長年年事
洗眼
中流看大江

笑謝江神歸櫂經無田
但可酌中冷茅庵爲我畱
佳處山抱江南江北青

顧塘橋畔憶坡仙
陽羨何曾遂買田
今日艤舟亭下過
落花飛絮送春天

小住梁溪亦復佳
竹爐茗椀舊吟懷
謝家池館多零落
鳴咽流泉秀嶂街

憶外舅秦端崖先生

十里五里長短亭
吳孃軟語太丁寧
瀟瀟暮雨可憐曲
愛向菰蒲深處聽

花載船唇暖氣濃
吳宮芳草碧茸茸
千金一刻畱春住
未

到寒山夜半鐘

清愛堂集卷二十二

六

垂虹霽景落帆前
更上吳江赤馬船
眼底太湖三萬頃
塵纓濯罷想超然

貓頭筍恰佐晨餐
頓解清饒笑口歡
更買百花春滿甕
朱櫻青豆早堆盤

支港纔通有釣磯
一雙乳燕掠波飛
柔桑巷陌清清路
知是蠶家過客稀

繞竹鷗波碧一灣
吳興清遠畫中還
看看百里鄉音熟
不獨鶯聲似故山

綠鱗鱗動散魚苗
鶯脰湖波健似潮
使得一帆風美滿
蘋

洲漁笛送歸橈

東田風景郊居賦故宅茫茫但野莎疏粟容心少三事貴

人從古護前多

烏戍普靜寺爲沈休文故宅

菱谿幾折入苕溪雙竹春陰徧甯泥纔見舍山忽船尾烟村遙指下塘西

丁山湖上水風清宛轉菱歌處處聲猶憶髫年隨杖履舊

題詩似隔三生

余年十三隨先大夫就醫唐樓高石生太守招游丁山湖卽席命余賦詩有句云玲

瓏橋樹層層岸宛轉菱歌處處聲太守大加擊賞經今五十五年矣

春草池塘夢竟殘陟岡吟望淚闌干影堂寂寂歸來晚陳

實譙元早去官

傷四弟下世

兒童失學田園蕪一度出山一悔無陶令折腰幸已免歸來底事愁飢驅

清愛堂集卷二十二

七

九十春光尚有餘歡言酌酒摘園蔬畫圖不畫柴桑景

天語人家是讀書

余有讀書人家圖恩諭也

婪尾遨頭興尚豪小園紅紫任周遭只憐手種牆陰竹新

筍青青解籜高

清愛堂集卷二十三

仁和 魏成憲 寶臣

近游小草

雨夜泊杉青牖

風雨多情阻近游，秀溪纔過且停舟。
夢回蓑笠重湖夜涼，送菰蒲五月秋。
倦枕偏宜喧吹蛤，塵襟難得伴閒鷗。
明朝又是橫塘路，一曲瀟瀟水閣頭。

九日吳念謏觀察招同江秬香學博吳翊齋解元集

拙政園用歐陽公馬頭山登高韻

曉霜新染一林紅，九日輕陰望不窮。
故相名園傳海內，清秋佳節在吳中。
潦餘尚見耕烟犢，高處偏多落帽風。
莫道

清愛堂集卷二十三

平泉閒草木山茶吟賞憶梅翁

展吾師褚先生墓

河南三尺碣拜後，半千孫達者今從。
祀門生感舊恩文章，畱汗簡雲水繞湖村。
宿草斜陽外，楓林有淚痕。

顧吉士明經

禮

招遊鄧尉看梅滋伯姪

謙升

從

居

弭棹虎山橋，幽尋光福市。
賈勇虎頭癡，阿買從曳履。
路出青林上，具區渺雲水。
烟鬟七十二，銅井復池邇。
中藏萬樹梅，風香逆數里。
穿樹翠竹兜，妨帽脫冷蕊。
松篁相映帶，籬落抱寒沍。
花雪夕陽外，樵歸西崦裏。
相尋五湖長，緯耒農事始。

梅風香逆數里穿樹翠竹兜妨帽脫冷蕊松篁相映帶籬

落抱寒沍花雪夕陽外樵歸西崦裏相尋五湖長緯耒農

事始

袁墓望米堆山

欄道餘寒雲絮絮，郁青州已化鶴去遊人爭向萬峯來。舊
是梅花最深處，繞梅行盡碧屏顏。春在湖光澹泞間，乞與
寅哥青峭筆。林陰浮出米堆山。

滄浪亭圖爲梁荏林廉訪章鉅題

風流餘長史，選勝旅吳閩。到此詩情遠，因耽野趣長。雜花
碻以北，脩竹水之陽。接葉茅亭在，坳隆記未忘。

大雅今詞伯，甘棠茂舍初。春風徧江海，時觀察淮海攝臬事秋水樂

禽魚地。已囂塵隔卜，同廉讓居承。平光景好臚，誦更誰如

心迹雙清共，滄浪未足多。流傳下車惠，徧唱濯纓歌。政合

聽諸棘，美先培爾禾。莫言鴻雪印，增重此巖阿。

清愛堂集卷二十三

二

偶緣文字役，講舍託比鄰。書院與亭隔一水風浴存吾道，林泉見

古人隱。招叢桂老詩，就執蘭春。暮春與諸生脩禊於此添入圖中景

如聞弦誦新。

冬日登烟雨樓用壁間秦小峴侍郎詩韻

寒雲輕重商量雪，潮落帆收穿港別。頃自三泖回船忽地湖光潑

眼，明野鷗沙際遲來客。棹歌當日唱還酬，終古惟餘森森

流。卽景鴛鴦人望遠，無家鴻雁我心憂。時湖溢高家堰江湖魏闕

頻回首，不見長菱見衰柳。臨老纔登烟雨樓，那堪細酌銀

槎酒。

新種山梅雪中試花

不愛官梅愛野梅，野人分到手親栽。春風吹送頭番雪，恰

怡疎花數點開

臘月二十七日雪中獨遊孤山

滿湖雲垂垂凍浦膠單舸水邊小籬落時有冷香墮蠟屐
破清曉巖扉不深鎖皴粉畫難就竹外一枝禪冰苔鶴領
行白石忘磊砢會取古春緣獨上空亭坐歲晏寡塵事巢
居無不可寒友成三人雪與梅花我

和周南卿移居四首元韻

以下旃蒙作噩

十載黃梁續夢殘鷗盟且且未應寒乙亥入都與南卿別於羊城卽有歸田之約
買田陽羨談何易夾宅清漳事不難從此溪山成獨往
長畱花竹共平安多君家具蕭然在東野新詩畫裏看

樂志田園自在身天將閒福與閒人書原充棟家藏富筆

清愛堂集卷二十三

三

可爲鋤力勝貧每愛移蔬來負擔不驚飛鶴集承塵馬婆

巷古東臯近雪是梨花句有神

見元戴帥初詩

穿坐藜牀靜閉門底須丹碧羨王根長松看似支離叟副

墨聞之洛誦孫種得寒花香更晚交聯介石品彌尊無雙

國士誰知已耆舊天涯幾個存

聘君往者住城東倡和移居尚可風

謂樊榭山民

時復推袁嗟

老我曾將薦禰望諸公祝雞已向戶鄉隱相馬當令冀野

空尚有湖山壇坫重主持畢竟不詩窮

雲山始祖墓下恭賦

禮不忘其本邱首甫句東去鄉百年近一水之江通拜掃
遇寒食麥飯祭匪豐登山足重趼累葉固幽宮魂魄猶戀

此松楸氣鬱蔥先疇與舊德淳樸餘古風如天覆庇廣逮
我仍雲躬豈不勵清白彝訓聽務聰詩書耕且養名大望
無窮黃髮幸重到自憐七十翁

展高祖墓敬次先大夫韻

耆舊風流被士林賓筵懿戒昔曾吟九旬終遂還鄉願五
葉彌厪追遠心瀾灑清溪環古塔蒼蒼宰樹蔭高岑百年
餘愛分僑籍述德無才媿轉深

拜曾祖子揚太府君墓感賦

儒冠沒質志華年矢苦節厥後報必昌斯語聞前哲嗚呼
曾王父清文鏤冰雪甫踰長吉歲玉樓召短折子揚府君卒年二十
入室有未亡人無見願同穴胄本帶經鋤行芳志彌潔羸

清愛堂集卷二十三

四

負得吾祖菽水養無缺辛勤五十年寡鵠彈淒絕母謂家

不幸辭旌話哽咽至今貞壽門未敢重綽楔倪太恭人壽七十有八守

節五十載例合請旌母以家門不幸之事堅辭不許能讀鑿楹書孫曾幾行列科名

看鵲起上塚豆籩設定知化鶴歸尚有啼鵲血天道果不
爽美蔭垂清切作詩諗後來用補元堂碣

謁文貞公廟

丞相祠堂古清芬誦不刊君惟三鑑保國以十思安寶笈
貽孫子嘉謨付史官良臣遭際日房杜比肩難

清明後五日同兒姪輩出游作

逢開笑口駐流年難得今朝意灑然某水某邱遊釣地不
寒不暖豔陽天樂偕兒輩堪娛老候近春深記種田遲日

湖山花事好儘容破費杖頭錢

鴛湖送春曲

鴛湖三月春風香烟雨樓前水一方烟絮濃濃遮畫舫雨
絲裊裊繫垂楊畫舫垂楊相映帶遠春只在波光外且住
東皇喜可知將離南浦愁無奈飛英逝水去遲遲人在天
涯淺夢時舊縷重縈翻紫燕新簧細炙訴黃鸝天氣清和
芳草歇時節如流驚歲月平臨百里少青巒容易千莖添
白髮猶餘手種晚花馨水到還鄉路慣經九十韶華應未
老綠陰如畫短長亭

礪堂相國六十壽詩

第一官宜第一人

用梁書劉孝綽傳中語 洪惟

清愛堂集卷二十三

五

聖主得賢臣

重熙翊運詒

曉

僉積善承家毓鳳麟

先世以蔣善人著稱

聽徧清聲心映水葆將元

氣澤涵春卽今枚卜歡

朝野恰與先生慶六旬

經濟文章孰比肩黑頭公輔已多年春秋蕊榜羅名俊粵
蜀巖疆治小鮮夾袋屬寮同節鉞選樓餘事亦丹鉛

屢採選政

湖山舊部謳思切遺愛甘棠樹拂天

黃圖三輔倚嘉猷

特許粉榆擁碧油守密不言溫室樹澹蓄先導浣河流纔

興百堵鴻還集但市千金駿易求

奎畫寶章親捧出仁風揚處荷

恩稠

上年蒙御賜詩畫扇

知已榮逾竊賞音曾依蓮府舊苔岑望秋蒲尚瞻隆棟向
日葵惟頌作霖韓范只今勛最著韋平自昔慶尤深期公
多錫蒼生福幸慰江湖釣叟心

贈周南卿明經兼示春暎六弟

君本奇童年舞勺吾家令弟官學博爲言千里名家駒臺

使禮羅致賓閣

二弟瑤舟識君最早言之延儉宜臺使招致幕下

及我飄零到海

南南豐坐上接雲談問士喜逢今相國

謂彌堂官保

項斯在口

說尤甘浴日亭邊曳柔艣海神廟下敲銅鼓虞苑訶林互

清愛堂集卷二十三

六

主賞花天月地論今古羊城一別上燕山畫省重尋鬢已
斑旌節朝

天君託乘會因秋賦送君還文章有神難奪命名高屢卻

千金聘予季憐才阿買俱劬書又共短檠詠

謂春暎弟一

昨幡然歸去來城東相訪逕新開圖書萬卷詩千首水竹

三分酒一杯夫君豈是長貧者計日吹笙宜奏雅壯志爭

看擊水鵬衰齡尚是知塗馬池塘夢斷歲華流四海於今

一子由他日如編花萼集君名卷卷共詩畱

白杜鵑花同許玉年孝廉

乃穀作

輕雲片片剪刀風洗淨鉛華玉一叢畢竟無香還守素何

曾有恨肯啼紅林間百舌花交語枝上三更月映空粉蝶

飛來渾不辨已離色相藉天工

茗溪雨中

溪行如畫裏那更雨濛濛橋隔蘋香外舟穿草色中半開銷夏客一笠荷鋤翁清遠吳興道田園太古風

雨後過含山

餘飛收盡暮雲間脫卻蓑衣釣者閒篷滴無聲田水活一帆風正過含山

自含山之塘西舟子失道雨泊溪上

月黑誤荒灣旁無一船過遲明當問津照暗螢幾箇

題胡元潤金陵二十四景冊子

贍水殘山思渺然褐公託興小雲烟六朝金粉秦淮月回

清愛堂集卷二十三

七

首巢痕廿五年

子於嘉慶庚申觀察金陵

曾歸篋衍草堂師

乾隆丙戌吾師春渚先生得此冊於吳山市上

持贈吾家三世

詒

後遺家松窗兄此冊於吾師函丈

今日摩挲餘老眼白頭重展憶兒時

戊子余年十三獲觀

塔影園小憩

園依綠水畫簾垂夏木千章塔一枝絃管些些吳舫緩烟波淡淡夕陽遲間能作客身如葉靜到無人境卽詩擬就涼鷗眠處泊夢成風定月高時

吳江道中觀刈麥

乍寒乍燠猶清和柘陰稀後蠶忙過林間楚雀喚麥熟腰橫新月鎌方磨穫之恻恻趁晴色扶攜叟稚肩相摩闌問

薊葉雉飛去兩歧秀穎紛駢羅黃雲四卷翠浪淨更許拾
穗循陂陀連畦捆載分釣艇風來餅餌炊香多今年暘雨
喜時若沉導巨浸疏支河登場已見二麥稔秧鉞待插披
烟蓑及茲豐樂仍節儉天心仁愛平無頗要識天心仁愛
平無頗行見大暑去盡三農歌

吳興舟中望雨

流光檢點正三庚來往苕溪一舸輕午簟渾無蓑笠夢夏
畦但有桔槔聲身如健犢步還踏心比閒鷗波共清已是
雲歸霖不作早苗若箇慰蒼生

重過臯園懷桐門相國

歸林頻到午橋來風月談深共舉杯當日春畱新雨露而

清愛堂集卷二十三

八

今花落舊池臺十年養樹看方長萬卷藏書忍更開猶有
灌園人識我斜陽孤影立蒼蒼

次韻吳玉松前輩展筠心先生墓

以下柔兆闍茂

宿草重尋郭外村白頭弟子共韓門海山兜率懷仙躅秋
菊春蘭賦禮魂頻滴椒漿餘老友一寒葛屐念孤孫曾聞

持節湘南日卷卷新詩細與論

先生視學楚南玉松在幕府

五月十五日烟雨樓喜雨同姪

謙升作

近游當梅炎畏景午方熾熱惱何處消南湖聊可避舟逢
捆載來麥場鮮露積三春暘雨若農夫利其利平臨釣鼈
磯漠漠水田翠已屆插秧天甘澤談何易泉石夙所耽茶
瓜近亦嗜停鋤揮汗人到眼艱難意萬柳晝陰綠俄焉快

屣至圖經少山色雲湧奇峯備滿湖亂跳珠龍腥涼到鼻
檐瀑瀉淙淙不見烟外寺一犁霑旣足蓑笠將有事未待
呼零望爲霖已小試老夫飢驅身種水尚無地今宵篷窗
夢野鷗泛荷芰

蟬中七佛像詩屠琴鵑太守傳索賦

方諸見月津而爲水與月虧全珠胎蟬裏七佛同龕光明
藏比卽空卽色離形得似丈六金身須彌芥子常清淨緣
證屠居士慧業文人吉祥止止摩尼朗照皆大歡喜

南屏遘暑夜深汎月還宿僧房次孫午泉茂才日庠

韻

萬樹南屏暑亦秋不成飛雨夕陽收人參古佛辭山舫月

清愛堂集卷二十三

九

應疎鐘上水樓魚樂任從空網下螢光自照滿湖流破除
熱惱單牀夢夢繞乘蓮太乙舟

舟泊三潭口占

風外荷香柳外亭野鷗導我過前汀一船涼月白於曉添
得四山無數青

夜湖汎月歌次春暉弟韻

賞心樂事情隨遷舊游佳處逢當前林風湖月應笑我一
彈指頃俄衰年西湖近是几案物童時游釣窺其全爲親
負米四方志蹤迹不在閒鷗邊名挂朝籍更乞外往往職
事相委填就中舟車得壯觀黃河青岱江淮連況復匡廬
彭蠡五嶺表客程所至窮幽妍搜奇涉險或叫絕鄉夢但

繞烟波船漁竿滄海覺今是行年七十欣歸田一筇一笠

訪前躅苔石尚有題名鐫湖心亭子最宜月平生兩度會

遊焉乙巳戊辰之歲參橫斗轉不知曙詩情畫意追羣賢謂奚鐵生高士

徐雲藩上舍暨李松雲中丞澄暉萬頃涼萬斛人間清福

陝古華太守湯春叔明府閒人專良會如雲別如雨紛紛蝴蝶飛紙錢故山我已

碩果淥波塵不污清蓮何人柳外夜吹笛逸響得非柯亭

椽樂莫樂兮仙乎仙文字之飲何必羅嬋娟醉踏林影行

跣躑衆山自曉明無烟一分略欠銀蟾圓時六月望前一夕倦與

卯弟聯牀眠假榻望湖樓下孫郎重約秋上弦少長咸集娛林泉

午泉治具且訂後游景光可愛隨時然莫漫清風朗月拋湖天

晨起觀荷作

清愛堂集卷二十三

十

月斜到西嶺水禽睡猶著此時荷正香披襟上溪閣不知

花多少翠葢露朱萼亭亭萬柄間采芳小舟泊人在清涼

境雨意望雲作畫出初日詩我懷謝康樂

題汪少海明府仲洋出棧圖

白雲如花馬前起雲棧縈紆不記里詩人往者初出山西

下栽眉抱綠綺甘棠若舍愛雙鳧臥轍蒼生入畫圖怪底

臚聲清似水蜀江心迹又西湖

滄浪亭偶成

近事居然畫放翁一邱一壑又吳中天畱水竹虛亭古地

遠囂塵曲逕通晨夕相過扶杖曳滄浪大好濯纓風買鄰

已許三年住都講他時說寓公

吳江舟晚

秋色垂虹滿扁舟弄晚晴
軟風帆葉穩斜景浪花明
客倦登高賦農殷望歲情
江淮有鴻雁何以慰蒼生

十月初九日章次白學博黼招同人泛舟西溪過交蘆秋雪諸菴作

野航溯西溪挈音葦間出
餞秋復迎冬展重陽之日
荒灣帶薄霧水木景蕭瑟
連村打稻聲寒菜畦一一
霜餘紅葉鮮烟外綠筠密
彌望盡蘆花空濛嵐影失
西風殘照裏點綴范寬筆
尋僧度籬落妙香霏滿室
長畱詩畫緣想見逸情逸
米汁亦可飲飢盤有橙橘
茲辰半晴陰此會卽眞率
後游期探梅閒鷗盟更質

清愛堂集卷二十三

十一

桂舫同年歸里話舊喜贈二首

丹毫注籍五十年平
年水到還鄉境屢遷衣
狗雲容驚噩夢尊鱸秋
信喜歸田朝端明允稱
交口海內文章孰比肩
白髮難兄同杖國集成
一品又珠聯

齊年秋賦共雲司介石
廉泉上相知在西曹時同受知於阿文成公以君爲清

廉以賤子爲耿介皆衆中嘉許語君果生松符夢
早我偏焚草避人遲
閒老境雖如蔗戀戀

君恩總向葵但頌河平歌
凱樂出山有約祝

釐時

畱別滄浪亭三首

魚鳥相忘樂與俱不多
精舍寄城隅刹那千岫
桑三宿茂

竹幽泉亦所須

風月相宜趣自眞
旅吳時復暢懷新
湖州長史猶遭廢
七十懸車亦幸人

杠南碣北儘流連
又是吳江欲雪天
好去孤山小籬落
探梅愛上總宜船

景忠壯公遺墨福泉方伯

謙

出觀索題

衣緋星見象血碧里爲墟
豫讓空懷報張巡
久讀書忠魂
瓜蔓後殘墨
劫灰餘神物
勞呵護雲仍永寶諸

早春遣懷

以下強固
大淵獻

眼看獻歲少陰時
一昨飄雲尚臘期

六日微雪
尚在春前

燈市晴占

嘉穀稔梅花香爲閏年
遲蟲魚草木機原化
風月江山福

清愛堂集卷二十三

十一

似私何幸散材開
八秩春生杖履自熙熙

孤山

碧波不動曉湖烟
籬落梅花淺水邊
鶴去亭空詩境好
濛濛山氣嫩寒天

臯園

鵝黃纔染柳絲斜
步履名園綠水涯
老去逢春偏愛惜
思量日日看梅花

馬婆巷古帶城陰
竹外疎花不待尋
惆悵平泉殘客少
寒香漠漠咽春禽

蕭山道中

北幹山飛翠蓬蓬
畫遠春回頭吳地盡
側耳越吟新市隱

懷梅福巖棲慕許詢剡源三十六取次買輕輪

固陵懷古

越王樓會稽甲楨餘五行成種因豁少伯屯中權重圍
未就解壁壘森江邊生聚復教訓沼吳期廿年稻蠲不遺
種助虐詞談談援桴隨使者遂汎五湖船良金寫厥狀功
成終保全至今陣雲冷鐘鼓西興傳

覺苑寺

俗謂江淹故居毛西河太史辯
爲江總舍宅爲寺糾謬有據

問訊招提近水麋橋名夢筆亦傳疑醴陵曾未來於越舍
宅分明是總持

二月八日丁方軒都轉

階

招同李鐵橋廉訪

漢

張梅

峴廣文

光燾

游蘭亭

清愛堂集卷二十三

十三

昔種蘭渚田今度蘭上里時未暮春初先期良會始越游
爲訪友間濶相見喜牽牽到山林壺觴與料理款款話前
因招招涉舟子野梅晴試花映帶脩竹裏匝月暖雨稀亭
前無曲水何處覓冬青空懷唐義士古來翰墨緣增長泉
石美向非醉本書陳迹委荆杞同是白髮人消搖隨杖履
應接不暇間烟橫萬山紫

鏡湖三首

烏篷轉處越山多洗眼虛明一鏡磨賀老清狂今不見春

風還是舊時波

乍趁樵風一葉輕若耶溪曲可憐生雨香雲淡微和候

微之意人在山陰道上行

聞鷗蹤迹戀家江
新柳絲絲逗水窗
淡掃眉峯牽荇帶
漁娃生小愛湖雙

東西兩鑑湖亦名湖雙

京口守風

顛風斷渡大江濱
江岸青青柳色新
笑我篷窗讀不輟
白頭浪裏白頭人

題武虛谷大令

億

虛谷草堂圖次法時帆祭酒韻

往時黃小松爲我誦
虛谷立身志不卑
嗜古性所獨展驥
百里難倚馬萬言速
到處訪金石爲民求
芻牧觀書眼如月
臨事胷成竹那顧一
官貧肯負十年讀
但養禾除莠俾家給人
足會傳強項賢
遂免折腰辱愛畱
慈惠師名在循良
錄飲水早盟鷗
還山仍抱犢作圖煩
一峯此景比石屋

清愛堂集卷二十三

丙

小松自跋云此圖信手點染不意吾鄉石屋洞西真有此境孫雪居太守刻八分虛谷二字於壁

重過秋影菴
荒苔上階綠

雨中望九龍山

江天梅雨帆葉重
九龍山迎白雲滃
雲表亭亭塔一枝
山山活翠關飛動
來往梁溪五十年
青山笑我雪雙顛
竹鑪最憶題詩處
消受松風第二泉

西郊觀稼

蕭辰過白露西疇
稻香細碧穗已垂
垂新芒見珠綴
護田流水活秋生
穰穰際暖眼萬頃
黃胼手三時
藝今夏越小旱應禱
油雲翳旣復慮愁霖
霑足幸開霽
轉移時雨賜艱難
豐歲取次巡野觀
涼風乍吹袂

曉行裏湖自西林橋至丁家山秋荷正芳欣然成詠
秋暑未淨歛秋荷正芳鮮西村喚渡處十里花延繚人行
空翠裏露氣涵湖烟片段綠雲卷萬柄紅娟娟村童爭踏
藕時借畱泥船因風香自遠隔浦涼鷺拳

中秋後一日烟雨樓晚眺

晚風歸盡采菱舟人倚鴛鴦湖上樓萬丈飛光一輪月烟
波併作十分秋

亭亭塢影遠林端菱蕩魚標竹幾竿隔岸人家燈火上碧
天如水水雲寬

昨宵歌管醉人圍先一夕遊
舫盛集寒露花香此夕微百里無山

纖霧淨清清鷺立釣鼈磯

清愛堂集卷二十三

五

礪堂相國自畿輔內召俶裝時於篋衍中檢得童
試卷端浮籤不數月卽拜主會試之命因裴池原
籤并錄是年同取進之滿洲蒙古漢軍九十人姓名
合成一冊屬題其後

使相還朝檢行篋僉名片紙夾書葉五十年前童子郎

辛苦風檐佩觿鰈風檐占坐在堂東卷揭浮籤壓印紅青

雲梯自初枕上白雪文成小試工圍珣兩號稱司馬詞理

俱高當代寡見宋名
臣奏議先憂後樂范希文作秀才時任天下

得意看花桂杏聯霓裳同詠大羅天牟尼百八加羸二座

紀文達公甲辰闈
中句謂取中額數玉筍班中最少年自此星軺持玉尺桃

李春官今揆席赫蹏先兆悟前因燕子巢痕認陳迹摩挲

老物倍多情只剎那間歲幾更物望已歸真宰相廷評仍是舊書生第一勳名能相士夾袋參苓搜杞梓流傳佳話會經堂五典南宮慶伊始

隱仙菴訪桂贈王樸山尊師

步履清涼山秋光正如水微聞木犀香身在白雲裏徑轉入丹房揖客黃冠子古心又古貌記與我同齒了丁靜棋聲悄悄悟琴理長生壽者相金粟如來是重逢小山中卅年一彈指曾賞六朝梅霜禽啄凍蘂况復連蜷樹雅稱吳質倚人生如參商伊誰慕黃綺試證陶堂言吾無隱乎爾

九日登雨花臺

秣陵秋色佳重陽無風雨雨花剩荒臺出郭三里許登高

清愛堂集卷二十三

六

成獨往尋僧兼訪古層岡躋絕頂縱目危闌俯城闔十萬家魚鱗屋可數江南江北山貫以寒潮怒黃蘆紅樹間時有白雲補六代感興亡衰翁慎羈旅塵中厭喧卑物外慕冲舉臨風一長嘯沈寥仰天宇

九月十九日張古餘觀察

敦仁

招同方茶山廉訪

體

瞿秩山觀察

曾韜

孫尹圃刺史

源潮

作展重陽之會

古餘卽席成詩因次其韻

一年難得此辰良未近黃昏愛夕陽人澹如花陶靖節客

延多壽魯靈光酌來酒味驚兒嫩餞到秋期燕子涼

次日

同是寓公齊作達爭墩他日憶清狂

立冬後五日秩山前輩招同諸公雅集疊前韻

小雨添寒月近良

連晴匝月是日喜雨

銜蘆候雁早隨陽臺森翠柏

瞻風采

余在西臺為後進

徑滿黃花愛景光故里溪流通罨畫山

家

寓樓山色對清涼人生難得朋尊數醉舞僇僇怨老

狂

秩山席上次古餘韻一首

厨荒杞菊未開筵

齋厨蕭然未能治饌

折簡招邀媿接連酒地漫言

三爵退詩壇又出一師偏胸襟浩浩推文舉腹笥便便讓

孝先別後消寒如憶我梅花香繞聖湖邊

張小餘孝廉

薦

近得漢銅章文曰張壽之印奉之

尊甫古餘先生喜為益壽之徵賦詩以贈

張星本在天齊角亢奎柳張老美輪奐張仲燕孝友孝廉

清愛堂集卷二十三

七

張公子得銅印鼻鈕繆篆東漢物厥文曰張壽竹邑侯相

碑姓系可細剖華胄況有緣吉語洵非偶大椿八千春獻

以祝胡耆一昨五老燕牽率逮下走娛賓旅肴核孝廉侍

行酒絮餐馨膳餘愉色婉容久翁佩此漢章摩掌不去手

紅沫寄方銅宜配若若綬含飴孫抱孫至樂雞窠叟油然

孝友風燕喜社多受作詩比善頌為翁酌大斗

九月二十八日茶山招飲綠雨山房再疊展重陽韻

溢城治行最循良歷歷清聲又漢陽

領郡江州陳臬楚北

泉石歸來

娛暮景江山好處賞秋光論交耐久惟真率相士無多任

踞涼

謂鍾山諸生

顧我棲霞容易別還家應號鑑湖狂

酬尹圃三疊前韻

登車猶記賦王良

尹圃捷南宮詩題

製錦淮陽復海陽交協寅恭

心似水經傳子舍國之光舊游尚憶紅橋夢法曲曾聽翠

袖涼

往與穀人淵如山尊紅橋出宴

半臂送君寒莫忍如今狂得且須狂

次韻古餘綠雨山房雅集之作

妙理由來在濁醪貧交鄰更問何操但開笑口尊長滿未

到麗眉坐屢叨松鬢拂餘堪代塵薑芽漬處爲持螯畱歡

記取燈初上夙退休令卜夜勞

十月初九日尹圃招集雨花臺四疊展重陽韻

五老婆娑入會良小春又共展重陽山多繞郭千家淨江

遠浮天匹練光兩度登臨添豐饒

九日登高於此

六朝風景剩蒼

涼續紛花雨供禪悅歌鳳何須問楚狂

欲遊鳳凰臺未果

清愛堂集卷二十三

六

畱別鍾山諸生五疊前韻

薰德何能徧善良諫官曾慕道州陽秣陵鍾阜傳文藪孔

思周情喻日光媿我傳經知不足在官作法未應涼

督漕江安

距今二餘波綺麗追前輩

謂抱經姬躔兩先生

規矩循循屬簡狂

題劉完菴

珽

天池圖用卷中沈石田韻爲武小谷明

府

穆淳

作黃大癡有天池石壁圖鮑菴先生之姪吳

萬笏支硎景絕奇昔游曾記莫春時

甲申三月會游支硎

古香快讀

匏菴志勝侶偕臨石壁池杖履消搖泉上雨雲烟活潑畫

中詩蓮花千葉懸厓陡自此山林引興宜

燕子磯夜發

觀音門外倚蘭橈燕子磯頭江路遙月色微分瓜步樹檣

聲寒約秣陵潮自屋送客離情遠破浪乘風壯志消二水
三山拋不得衰翁只合老漁樵

晚泊紗帽洲

蒼茫楚尾與吳頭浩浩江聲不盡流天淡雲閒共今古沙
明水淨此汀洲餘霞散綺飛孤鶩殘荻無花宿冷鷗中酒
阻風聊復爾依稀燈火見揚州

夜過黃天蕩

月吐青山欲四更蘆花風定夜潮平舟師不語櫂牙動萬
頃茫然一葉輕

胥江舟夜

不聞楓橋鐘但灑平江雨雁聲與櫂聲寒雲迷處所搖搖

清愛堂集卷二十三

十九

松陵近舟人隔烟語

梁荏林方伯重脩滄浪亭落成冬日過之率賦

亭沼喻爵位林木譬名節灌叢偃蹇枝連蜷破瓦積垣半
蕪沒七百年中幾易主當時智者所施設湖州長史亦寓
公濯纓心共滄浪潔魚鳥澹忘歸真趣至今說曾聞好事
西陂翁剔石疏泉舊觀出已無故物石碁盤只有新詩竹
垞筆漠漠古時烟空祠久蕭瑟誰爲薤榛芳于此談風月
榕城梁侯賢吳下陳時臬再至且三至圖以畫品逸近喜
甘棠召伯芟政比商邱更通達畫中林木尚宛然亭沼參
差加翦拂三分水竹映清疎闌楯周遭間丹漆旣勤撫卹
遂躋攀豫遊公暇民胥悅樹人樹木徵素脩爲沼爲臺見

治術我昔三宿桑隣園隔水屐頻蠟叶小別俄匝歲眼見
名區落成日繪史應摹第二圖山意衝寒天欲雪添種梅
花三百株春來乞我紬書帙

清愛堂集卷二十三終

清愛堂集卷二十三

子

10104

